


金石萃編



卷五十三至五十六
唐


第十五册



Inches
Centimetres
TIFFEN Color Control Patches
© The Tiffen Company, 2007

0 10 20 30 40 50 60 70 80 90 100 110 120 130 140 150 160 170





金石萃編卷五十三

賜進士出身

誥授光祿大夫

加七級

王昶撰

唐十三

平百濟國碑

此碑或磨崖或碑石皆不可知除一行不計外橫廣約四丈六尺二寸高五尺二寸五分共計一百一十七行前九行行皆廿六字後三十八行行皆二十字許正書篆額

大唐平百濟國碑銘

洛州河南權懷素書

源夫皇王所以朝萬國制百蠻靖海外而舉天維宅寰中而恢地絡莫不揚北德以厭遐荒耀五兵而肅邊徼

雖質文異軌步驟殊塗揖讓之與干戈受終之與革命
皆載勞神武未敢佳兵是知泗水擬旣九窶遂戮洞庭
構送三苗已誅若乃式鑿不歸緬維萬古當塗代漢典
午承曹至於任重鑿門禮崇推轂馬伏波則鑄銅交阯
寶車騎則勒石燕然竟不能覆緹海之奔鯨絕狼山之
封豕況丘樹磨滅聲塵寂寥圓鼎不傳方書莫紀蠢茲
卉服竊命鳥洲襟帶九夷懸隔萬里恃斯險阨敢亂天
常東伐親鄰近違 明詔北連送豎遠應梟聲況外
棄直臣內信祆婦刑罰所及唯在忠良寵任所加必先
諂倖標梅結怨杼軸銜悲我 皇體二居尊通三表

極珠衡毓慶日角騰輝揖五瑞而朝百神妙萬物而乘
六辯正天柱於西北迴地紉於東南若夫席龍圖褒鳳
紀懸金鏡齊玉燭拔窮鱗於涸轍拯危卵於傾巢哀此
遺肅憤斯兇醜未親吊伐先命元戎使持節神丘嶠夷
馬韓熊津口一十四道大總管左武衛大將軍上柱口
邢國公蘇定方疊遠構於曾城派長瀾於委水叶英圖
於武帳標秀氣於文昌架李霍而不追俯彭韓而高視
趙雲一身之膽勇冠三軍關羽萬人之敵聲雄百代捐
軀殉國之志冒流鏑而逾堅輕生重義之口口口口而
難口心懸冰鏡鬼神無以祕其形質過松筠風霜不能

改其色至於□□□撫邊夷慎四鄰去三惑顧冰泉以
表潔□霜栢以凝貞不言而合詩書不行而□□□將
白雲而其爽與青松而競□遠□□□咸有慙德副大
總管冠軍大將軍□□□衛將軍上柱國下博公劉伯
英上□□□□□□□□□廊廟之才□□將相之器言爲
物範行成上則詞溫布帛氣馥芝蘭績著旗常調諧鍾
律重平生□□□輕尺璧於寸陰破魏之勲常□不足
平□之策□未涉言副大總管使持節隴州諸軍事隴
州刺史上柱國安夷公□□□□□□□舉雄圖□六藝
通二略□□□□□□□□□能令魏軍止渴無焚□□

□□□□□□副大總管左領軍將軍金□□□□溫
雅器識沉毅無小人之細行有君子之高風武旣止戈
文亦柔遠行軍長史中書舍人□□□儀雲翹吐秀日鏡
揚輝風偃摺紳道光雅俗鑒清許郭望重荀裴辯箭騰
□□九流於學海詞□發穎掩七澤於文□□太傅之
深謀未堪捧轡杜鎮南之遠略仁可扶輪□□鳳池或
清鯨壑邢國公運祕鑿捻驍雄陰羽開偃月之圖陽文
含曉星之氣龍韜豹鈴必表於情源麝女黃公咸會於
神用況乎稽天蟻聚□地蜂飛類短狐之含沙似長虺
之吐霧連營則豺狼滿道結陣則梟鏡彌山以此兇徒

守斯窮險不知懸縷將絕墜之以千鈞累碁先危壓之
以九鼎于時秋草衰而寒山淨涼颯舉而敘氣嚴逸足
與流電爭飛疊鼓共奔雷競震命豐隆而後殿控列缺
以前驅涂氣祲氛掃之以戈戟崇墉峻堞碎之以衝口
監口軍捻管右七衛郎將上柱國祝口口右一軍捻管
使持節淄州刺史上柱國口元嗣地處開河材包文武
挾山西之壯氣乘冀北之浮雲呼吸則江海停波嘯咤
則風雷絕響岨夷道副捻管右武衛中郎將上柱國曹
繼叔久預 經綸備嘗艱險異廉頗之強飯同充國之
老臣行軍長史岐州司馬杜爽質耀璿峯芳流桂晚追

風籟電騁逸轡於西海排雲擊水搏勁翻於南溟驥足
既申鳳池可奪右一軍捻管宣威將軍行左驍衛郎將
上柱國劉仁願資孝爲忠自家刑國早聞周孔之口晚
習孫吳之書既負英勇之才仍兼文吏之口邢國公奉
緣 聖旨委以斑條口口金如粟而不窺馬如羊而
不顧右武衛中郎將金良尚左一軍捻管使持節沂州
刺史上柱國馬口口口口口之口口口口口口口口之
口口口口口口口口郡口良 邢國公口奉 神口口
專節度或發揚蹈厲或後勁先鋒出天入地之奇千變
萬化口口口口之口電發風行口口口口英聲載路

邢國公□□□□甚投醪逆命者則肅之以秋霜歸
 順者則□之以春露一舉而平九□□□而□三韓□
 □驛之□□則千城仰德發□□之飛箭則萬里銜恩
 □□□□及太子隆□□王餘孝一十三人并大
 首領大佐□□□□□□成以下七百餘人既入重
 圍並就擒獲□□□□載以牛車仁薦司勳式獻
 清廟仍變斯獷俗令沐靈猷露冕褰□先□□烹鮮
 製錦必選賢良庾使剖符績邁於韻黃□□高於卓
 魯凡置五都督卅七州三百五十縣戶廿四萬口六百
 廿萬各齊編戶咸變夷風大書□觀□□□所以旌其

善勒辭鼎銘景鍾所以表其功□州長史判兵曹賀遂
 亮濫以庸才謬司文翰學□□□氣□風雲職号將軍
 願與廉頗之列官稱博士猶□賈□之衡不以衰容猶
 □□□□戈□□□□□□□□九□□□□□
 □□□□乃□□□□□□□□□□□□□□
 □□□□乘田同天□永久□□島與日月□長
 懸其□曰
 悠悠遂古□□□□□□化權輿□□□□
 飲□居以系以□或畋或漁□□□□□□□及
 □□代非一主揖讓唐虞革命湯武□□□□均九

土屢擾干戈式□□□未□西□□□□□我
 聖皇□叶穹蒼□□千古□□□□□遠徼遐哉大
 荒咸□正朔□□□疆□□□□□三光叛揆障國
 凜凌水鄉天降飛將豹□龍驤弓彎月影劔動星芒獵
 貅百萬電舉風揚□□□□□棗冰銷夏日葉碎
 秋霜赴赴□□明明号令□□廟□□齊軍政風嚴草
 衰日□□淨霜戈□□□□□□□□□□勁
 巨□授首逋誅請命□□□□□邊隅□□嘉樹不翦□
 □□□□□□□□□□□□□□□□□□□□
 □□用紀殊功拒□□□永固回地軸以無□

顯慶五年歲在庚申八月己巳朔十五日癸未建

東史云唐高宗顯慶五年新羅武烈王上表言進貢
 之路經百濟高句麗輒為兩國所梗帝大怒遣將軍
 蘇定方領舟師渡海征百濟與新羅將金庾信夾擊
 大破濟兵虜其王義慈草其國置熊州都督府刻石
 為塏於白馬江上以紀功撰者陵州刺史賀遂亮書
 者洛州河南權懷素至今古塏歸然立道左未幾唐
 又遣李世勣平高句麗寘安東都護府已而兩國之
 地皆為新羅所併三韓始合為一今案權懷素考其
 世代乃非善草之上人也筆畫蒼勁結構嚴整一變

金石錄卷五十三
六
六朝之體始知間架之法已在顏柳之前而精神風韻少遜於歐褚然想是當善書名者可稱東方古蹟之首矣歲戊午陽月上澣三韓洪良浩識

按此碑文凡二千餘字前段七十餘行俱完好闕字無幾後五十行則大半泐矣新唐書高宗紀顯慶五年三月辛亥左武衛大將軍蘇定方爲神邱道行軍大總管新羅王金春秋爲馮夷道行軍總管率三將軍及新羅兵以伐百濟八月庚辰蘇定方及百濟戰敗之十一月戊戌蘇定方俘百濟王以獻舊唐書紀五年三月辛亥發神邱道軍伐百

濟八月庚辰蘇定方等討平百濟面縛其王扶餘義慈國分爲五部郡三十七城二百戶七十六萬以其地分置熊津等五都督府十一月戊戌朔邢國公蘇定方獻百濟王扶餘義慈太子隆等五十八人俘于則天門責而宥之蓋自三月發兵伐百濟至十一月獻俘其踰八月而其平百濟在八月僅踰五月耳碑立于五年八月十五日癸未計其平百濟之日在庚辰爲八月十二日是立碑卽在平百濟後三日也新唐書百濟國傳永徽六年新羅訴百濟高麗靺鞨取北境三十城顯慶五年乃

詔左衛大將軍蘇定方爲神邱道行軍大總管率左衛將軍劉伯英右武衛將軍馮士貴左驍衛將軍龐孝泰發新羅兵討之自城山濟海百濟守熊津口定方縱擊虜大敗王師乘潮帆以進趨真都城一舍止虜悉衆拒復破之斬首萬餘級拔其城義慈挾太子隆走北鄙定方圍之次子泰自爲王率衆固守義慈孫文思與左右縋而出民皆從之定方令士超堞立幟泰開門降定方執義慈隆及小王孝演酋長五十八人送京師平其國析置熊津馬韓東明金漣德安五都督府擢酋渠長治之

命郎將劉仁願守百濟城左衛郎王文度爲熊津都督九月定方以所俘見詔釋不誅是定方獻俘在九月與本紀之作十一月小異也舊唐書傳與此畧同新書傳蘇烈字定方以字行舊書傳直作蘇定方今碑亦直作定方蓋其以字行者久矣舊傳云高宗以破賀魯功遷左驍衛大將軍封邢國公顯慶五年授熊津道大總管率師討百濟百濟平遷左武衛大將軍新書傳云高宗以賀魯功拜左驍衛大將軍邢國公後以定葱嶺加食邢州鉅鹿三百戶遷左武衛大將軍出爲神邱道大總管

率師討百濟据碑則左武衛正在討百濟之先舊傳在百濟平之後誤也碑又載同率兵者有副大總管冠軍大將軍□□□衛將軍上柱國下博公劉伯英副大總管使持節隴州諸軍事隴州刺史上柱國安夷公泐其姓名副大總管左□軍將軍金泐其名行軍長史中書舍人□□儀泐其姓監□軍總管右屯衛郎將上柱國祝泐其名右一軍總管使持節淄州刺史上柱國□元嗣泐其姓隅夷道副總管右武衛中郎將上柱國曹繼叔行軍長史岐州司馬杜爽右一軍總管宣威將軍行左

驍衛郎將上柱國劉仁願右武衛中郎將金良圖左一軍總管使持節沂州刺史上柱國□延□姓名上下泐凡姓名泐者既無可攷而姓名全者兩史亦無傳以百濟傳證之則有劉伯英馮士貴龐孝泰及仁願王文度等名當卽碑中所列諸人也碑云置五都督當卽其國所統之五部卅七州卽其國五部所轄之三十七郡二百五十縣卽其國之二百城惟云戶廿四萬口六百廿萬與傳不同耳撰文者口州長史判兵曹賀遂亮已見文內故不復列于文之前後事跡亦無可攷然其文則整

練華瞻善狀涉險破敵事情可稱鉅構書碑者洛州河南權懷素不署官位想其時同在軍中也此二人者文名書名皆不盛傳碑又遠在海東無人傳搨諸金石家皆未著錄此本係門人常熟言朝標得之持以相贈而未悉其搨從何處洪良浩跋所稱白馬江稽之盛京通志亦不能得其所考薛居正五代史已云百濟在高麗之南渡海始至其地在唐時分郡縣唐末盡爲高麗所有据此則此碑當在高麗矣今未能懸定姑詳識之碑云泃水挺祇九窵遂戮泃與洵同涌也水聲也祇同妖字書無窵字九窵未詳又云外棄直臣內信祇婦此益列百濟之罪狀稽之百濟傳未嘗叙及績著旗常當作旂常說文分旗旂爲二字音義俱別其旂常自是旂字此則通用也

朗空大師塔銘

表本高廣尺寸行數字數皆無考行書

上缺收領永以住持秋七月大師以甚愜雅懷始謀栖

止此寺也遠連四岳高壓南溟溪澗爭流酷似金口之谷巖巒闢峻疑如紫蓋之峯誠招隱之幽墟亦栖禪之佳境者也大師遍探靈巖未有定居初至此山以爲終

焉之所至明年春二月初大師覺不念稱染微疴至十
二日詰旦告衆曰生也有涯吾將行矣守而勿失汝等
勉旃跌坐繩床儼然就滅報齡八十五僧臘六十一于
時雲霧晦冥山巒震動有山下人望山頂者五色光氣
衝於空中中有一物上天宛然金柱豈上智順則天垂
花蓋法成則窆歛靈棺而已哉於是門人等傷割五情
若亡天屬至十七日敬奉色身假隸于西峯之麓

聖考大王忽聆遷化良惻仙襟特遣中使監護葬儀仍
令吊祭至三年十一月中改葬於東巒之頂去寺三百
來步全身不散神色如常門下等重覩慈顏不勝感慕

仍施石戶封閉大師資靈河岳稟氣星辰居縷褐之英
應黃裳之吉由是早栖禪境久拂客塵禪二主於兩朝
濟羣生於三界邦家安太魔賊歸降則知大口真身觀
音後體啓鑿開而敷揚至理開慈室而汲引靈流生命
示亡效鶴樹歸真之跡化身如在追雞峯住寂之心存
歿化人始終鑿道可謂定慧無方神通自在者焉 第
子信常禪師周解禪師口佛禪師等二百來人共保一
區皆居上足常勤守護口追攀每念巨海塵飛高口
電絕累趨魏闕請樹豐碑今上克纘洪基恭承口錄欽
崇禪化不異前朝贈謚曰朗空大師塔名白口栖雲之

塔爰命微臣宜口壘曰仁澆固辞不獲口口之從輒課
非詞式揚口口譬如提壘酌海莫知溟口之深執管窺
天難測穹口下缺

此帖為朝鮮使臣趙秀之所贈云是晉時金生所書
碑內未載金生姓氏字體文體亦不似晉魏人所作
大約是唐碑苦無書籍可攷言朝標

按此碑與百濟碑皆常熟言君所贈碑係裝本背
用朝鮮官文書殘紙標成尚有印文方二寸九曲
篆惜模糊難識也碑首尾殘闕玩其文義當是朝
鮮國中某寺之碑寺之所在云高壓南溟者謂東

國之南也云明年三年前段當有紀元蓋已缺矣
日報齡猶言世壽也口假隸猶言權厝也皆彼國
之措辭碑書柄作柄衝作衝靈作靈弟作第儼作
儼壺作壺幽塢即幽墟不念即不豫安太即安泰
或通或借或別體皆六朝遺法而文體書體整練
渾厚則初唐之佳構也書人無姓名可攷撰人名
仁澆見于文中無年可繫姑附百濟碑後言君字
臬雲乾隆己酉進士由刑部郎出為四川夔州府
知府生平嗜古故能搜採如此

口令賓墓志

石廣一尺八寸六分高一尺七寸八分計北
行行十七字正書在孟縣學宮鄉賢祠內

墓誌

□□□□令賓南陽人也帝顓頊之苗裔曾□□□魏
征西大將軍祖伯齊北銀州刺史□□隋歷停縣並蘊
山岳之高節苞河漢之□□奕葉光華名流千載也君
德懷邈遠志尚清居恠張議之憤□□□之貞粹行
齊三涇情欣五柳隱不遂□痾由斯起災風濫及先拂
高花忽於顯慶五年十二月廿六日卒於家第春秋八
十有一但以死生契闊幽明有殊卽以辛酉之年月己
酉之日葬河陽西北九里冥冥有分腸之痛永永有莫

覩之悲酸哽不紀其切刊石題之不朽嗚呼哀哉乃爲

銘曰

峩峩高德森森懷深志尚冲寂榮位無心神情亮遠清
居可尋道於時外名利何復舒散口候放口情沉痾疾
因動大漸相臨死生口閣運往無禁形雖忽謝永播芳

情

右唐河陽某君墓志銘缺一角不得其姓其令賓二
字亦似非名但當爲字至所云南陽人又云卒于家
第又云葬河陽西北九里是則南陽乃其家第而河
陽卽南陽矣厥後李白撰韓文公父仲卿碑云南陽

人新史因加鄧州字遂啓千古爭辨之端蓋不知南陽卽河陽之古名而唐時所通稱者也今得此志豈非文公爲孟人之證乎卽張徐州墓志亦正同矣至唐書宰相世系表言顯帝者不一而此言祖伯齊北銀州刺史者表旣無之又其曾祖并父名在石缺處可惜也書有古法兼餘逸致今移存縣學云

孟縣志

按此碑標題缺五字只存墓誌二字其某姓當在缺字中文於首行上缺四字下存令賓二字似係君諱某字令賓其名亦當在缺字中也令賓爲南陽人而葬于河陽西北九里南陽有二處一爲郊

縣地東魏置南陽郡析置南陽縣爲郡治齊周因之隋開皇三年郡廢十八年改南陽縣爲期城大業初廢唐以其地併入邾城縣屬河南道汝州一在鄧州南陽郡屬山南道有南陽縣武德八年廢宛州來屬河陽縣屬河北道初屬懷州顯慶二年屬洛州後爲孟州治則是南陽河陽顯然二處其居第及葬處在河陽其先世則爲南陽人唐人撰誌傳往往追稱其舊賢此爲先籍無疑特不知是汝州舊稱之南陽抑鄧州現屬之南陽耳河陽古無南陽之名孟縣志河陽卽南陽者恐非也文云

怪張議之憤曰張議疑卽指張儀行齊三涇情欣
五柳當是以三涇比其清五柳比其高許敬宗嘗
作小池賦有云引八川之餘滴通三涇之洋溢蓋
當時有此語也辛酉爲顯慶六年令賓以五年庚
申十二月卒以辛酉年葬葬之日以己酉不知爲
何月碑但有月字

岱岳觀碑

題記除兩側外其計二十有二則前後刻二石石各
高八尺六寸廣三尺七分皆兩面刻其第一面作三
截書第二面作四截書第三四兩面皆作五截書行
數字數各自分注于後在泰安縣泰山老君堂內

顯慶六年二月廿二日

勅使東岳先生郭行真弟子陳蘭茂杜知古馬知止奉
爲 皇帝皇后七日行道并造素像一軀二真人夾
侍

又 此在第一面次截右偏
四行行十七字正書

儀鳳三年三月二日大洞三景法師葉法善奉 勅

於此敬口修齋設河圖大口一口

勅敬造壁畫元始天尊萬福口口口德既畢勒石紀年

又 此在第二面上截十一行行十
三字末行官名計二十字正書

大周而穰二季歲次辛卯二⑤癸卯朔十⑥壬子金臺
觀主中岳先生馬元貞將弟子楊景塵郭希慶內品官

楊君尚歐陽智琮奉 聖神皇帝勅緣大周革命令

元貞往五岳四瀆投龍作功德元貞於此東岳行道章

醮投龍作功德一十二乙夜又奉 勅敬造石元

始而尊像一鋪并二真人夾侍永此岱岳觀中供養

口承官宣德郎行兗州都督府倉曹參軍事李叔度

又此在第一面上截左偏六行行十九字末行二十七字正書

大周萬歲通而貳率歲次丁酉東明觀三洞道士孫文

僂奉 而冊金輪聖神皇帝肆甲口乙 勅將侍

者姚欽元詣此岳觀祈請行道事畢敬造石而尊像壹

軀并貳真人夾侍庶茲景福永奉 聖躬聊紀其率因

傳不朽

專檢校博城縣主簿關靈博錄事張則生護軍口口

口口口口口勒石紀年

又此在第二面上截十四行行十一字十四字不等正書

大周聖靈元率歲次戊戌臘甲癸巳朔貳乙甲午大靈

道觀主桓道彥弟子昆自揣奉 勅於此東岳設金

籙寶齋河崑大醮漆乙行道兩度投龍遂感慶雲參見

用齋醮物奉為 而冊金輪聖神皇帝敬造等身老君

像壹軀并貳真人夾侍

專當官博城縣尉李嘉應

兖州團練使押牙忠武將軍守左武衛大將軍上柱國趙俊

兖州團練使都虞候銀青光祿大夫試衛尉卿上柱國高晃

又此在第一面第二截右偏九行行十三字其末二行廿一字十七字不等正書

久視二季太歲辛丑丑匝乙亥朔二乙丙子神都青元觀主麻慈力親承 聖旨內賚龍壁

御詞繪帛及香等物詣此觀中齋醮功畢伏願

皇萬福實業恒隆敬勒昌齡冀同礪而無朽侍者道士

麻宏信

祇承官朝散郎行兖州都督府參軍事攝□□□希

祇承官登仕郎行兖州都督府錄事劉□

又此在第二面第二截十五行行十七字至十三字不等正書

長安元季歲次辛丑十二匝己亥朔廿三乙辛酉道士

金臺觀主趙敬同侍者道士劉守貞王懷亮等奉十一

匝七乙 勅於此太山岱岳觀靈壇修金錄寶齋三

乙三夜又口觀側靈場之所設五岳一百廿槃醮禮金

龍王壁並投山訖又口鎮綵紗繪敬造東方玉寶皇上

而尊一鋪并二頁巫仙童玉女等夾侍□□□□供養

其②祥風口息瑞雪便口香燭 氤氲○匝明朗神靈

降祉吉祥事畢故刻石記時勅名題②

專當官宣義郎行博城縣丞公孫杲

專當齋并檢校像官博城縣主簿口口口董仁智

都檢校官口議郎兗州大都督府戶曹參軍王果

又此在第三面第二截十四行行
十三字至十六字不等正書

大周長安肆季歲次甲辰玖匝甲申朔捌②辛卯

勅使內供奉襄州神武縣雲表觀主麤都大洞參景弟

子中岳先生周麤度并將弟子貳至金州西城縣麤宮

觀道士梁悟麤奉參匝貳拾玖② 勅令自於名山

大川投龍璧修无上高元金麤玉清九轉金房度命齋

參②參夜行道陳設醮禮用能而壑清和風雲靜默神

靈効祉表 聖壽之無窮者也

專當官朝散郎行參軍燉煌張浚并書

專當官文林郎守博城縣主簿韓仁忠

專當官宣德郎行口口口劉麤機

又此在第一面第二截十二行行
廿三字至廿七字不等正書

大周長安四季歲次甲辰十一匝癸未朔十五②丁酉

大口口觀威儀師邢虛應法師阮孝波承議郎行宮闈

丞口口慈卻口口等奉 勅於東岳岱岳觀中建金

錄大齋卅九^乙行道設醮奏表投龍薦璧以本命鎮綵物奉為

皇帝敬造石^{口口}皇上而尊一鋪十事并

壁畫而尊一鋪廿二事敬書本際經一部度生經千卷

^{口口}功德奉福 ^{聖躬其匪四^乙}已前行道之時忽

見^乙匪揚光加以抱戴俄頃之際^{口口}頓殊遂有紫霞

^口之黃雲^牙興遍滿^口場善成功德^口嘉瑞敢不書

之齋醮既終勒文于石

專管官宣德郎行兗州都督府參軍事金處廉

專管官文林郎守博城縣主簿韓仁忠

又 此在第二面三截右偏九行行
十三字至十六字不等正書

大唐神龍元年歲次乙巳三月庚辰朔廿八日丁未大

齋道觀法師阮孝波道士劉思禮品官楊嘉福李立本

等奉 勅於岱岳觀建金錄寶齋卅九人九日九夜行

道并設醮投龍功德既畢以本命鎮綵等物奉為

皇帝皇后敬造石龕真萬福天尊像一鋪

給事郎試太子中允劉秀良書

又 此在第二面下截右偏
九行行廿八字正書

大唐景龍二年歲在戊申二月甲子朔十二日乙亥大

龍興觀^{口口口口} 勅往東岳陳章醮薦龍璧以其

月廿七日辛卯於岱岳□并□□□□□設金籙行道

九日九夜燒香然燈□□并設五岳名山河圖等醮□

三□功德事畢奉用 本命紋繪 及餘鎮綵

敬造鎮國 □□□□皇猷永固與靈岳而恒安國祚

長隆等驛都而自久朝議郎行充□□軍事王幹朝散

郎行兗州都督府參軍事上柱國兼直安樂公主府□

□乾封縣令上柱國張懷貞儒林郎行乾封縣主簿騎

都尉韓仁忠等恭□ 睿旨沐浴身心虔拜靈壇勤

亦至矣稽首 无上□□

太山巖巖方凌紫氛中有羣仙方乘白雲陳金薦璧方

□□□

又 此在第四面上截十六行行十四字至十六字不等正書

大唐景龍三年歲次己酉三月戊午朔十九日景子奉

勅令瑯州龍興觀主杜太素蒲州丹崖觀監齋呂皓仙

京景龍觀大德曹正一等三人於此太山岱岳觀建金

籙大齋報賽前恩追濟究等州大德卅九入七日七夜

轉經行道設河圖大醮更祈後福以申告請七日之中

遂呈四瑞白鶴騰輝拂霞莊而矯色黃雲覆彩映巖穴

以通光絲雨飛禎家示九年之蓄烏曦抱戴壽返千載

之 君紀時日於青郊勒奇工於翠碧交紵像一鋪十

一事二 聖本命鎮綵循造

戶曹盧返口

縣令張懷貞

主簿韓仁忠

又 此在第四面第一截右偏
十二行行二十十字正書

景雲二年六月二十三日皇帝敬憑太清觀道士楊太

希於名山斫燒香供養惟 靈蘊秘凝真含幽綜妙類

高旻之亭育同厚載之陶鈞蓄洩烟雲蔽虧日月五芝

標秀八桂流芳翠嶺万尋青溪千刃峴裳戾止恒為瑋

落之連鶴駕來遊卽是玉京之域百祥覃於遠迓五福

被於黎元往帝所以馳心前王由其載想朕恭膺寶位

嗣守昌圖恐百姓之不寧慮八方之未泰式陳香薦用

表深衷寔冀朋靈降茲休祉所願從今以後浹寓常安

朕躬男女六姻永保如山之壽國朝官寮萬姓長符擊

壤之歡魚鳥遂性於飛沈爽狄歸心於邊徼實希靈鑒

用副翹誠今因練師遣此張悉

又 此在第三面第三截十二行行
十五字至十七字不等正書

大唐景雲二年歲次辛亥八月癸卯朔十四日景辰蒲

州丹崖觀上坐呂皓仙奉今年閏六月十九日 勅往

東岳及萊州東海投龍并道次靈跡循功德將弟子二

人蒲州靈仙觀道士杜含光丹崖觀道士王元慶道士
孫藏暉於此三日三夜冊九人金錄行道設齋醮并投
龍

朝議郎行倉曹參軍陸大鶴朝議郎行兵曹參軍高
吸通直郎行參軍袁幹時宣義郎行瑕丘縣丞裴遇
等奉 都督齊國公崔處分令此起居 呂尊師

時屬仲秋謹題斯記

又 此在第四面第三截十六行行
十三字至十七字不等正書

歲六月 我皇有意于神仙 勅使正議大夫內給
事梁思陀寺伯俱靈明等与道士任无名於東岳太山

投龍合練龍以紫綵送以紺錢皇皇焉濟濟焉乘傳而
來矣 都督韋君仰 帝命遠挹使車爰擇幹明式
經構葺朝議郎行功曹蓋寘疑宣德郎行參軍李烈恭
行郡命屈茲岱嶺因太山之本用近土之人鑿瑁巖壘
丹竈列星柱巨虹梁匠無宿春農不下壘嘗未浹日厥
功已成棟宇已來莫籌其速乾封主簿趙春持劇務以
應諾摠群事而趨走恪勤匪懈不遑自寧息徒庀工刻
詞貞石于時開元八年歲次庚申七月壬子朔廿日辛
未畢此功也

口尉攝此縣盧焜

又

此在第四面第二截右偏四行
行十五字至十八字不等行書

開元十九年十一月都大鑿道觀主張遊霧京景龍觀

大德楊琬建立真君於此修齋三日三夜

專當官朝散郎曲阜主簿上官賓

登仕郎乾封縣尉王去非

又胡冠等題名

此在第四面第四截右偏五行
行十字十四字不等左行行書

開元廿年二月口口日勅使內侍省內謁者監胡冠

判官掖庭局監作甯君愛

口上騎都尉王元口

專知官登仕郎行乾封縣尉王去非

又魏成信等醮告題記

此在第三面第四截十
二行行十七字行書

大唐大鑿七年太歲壬子正月癸未朔廿三日乙巳奉

勅於岱岳觀修金錄齋醮及於瑤池投告事畢

故題記

修功德 中使內侍魏成信 判官文林郎守內府

丞劉元載

判官掖庭局丞楊彥瓌

小使掖庭局丞魏貴球

使內供奉道士申昇鑿

使翰林供奉道士王端靜 山人王昌宇

淄州刺史王圓 □□□□□□山人王□宇大鑿

十四年二月廿乙日同登泰嶽時真君道士卜皓然萬
歲道士郭紫微各攜茶菓相候于回馬嶺因懸於王母
池登臨之興無所不至

駢使官樂瓊題記

祭岳官題名 此分刻第三四兩面下截共十
九行行五字六七字不等行書

鴻臚少卿□偃

祭岳使駢使官□□率府兵曹參軍□□門下令

□□爽□節度逐要官太□□事舍人郭□□

山人王昌寓

左金吾兵曹參軍□□太常卿李□超 祭岳使□

□亞獻觀察□□終獻禮部□□侍御史兗州

□□節度押牙殿中□節度都遊奕使事□回濟 兗

州司馬高□團練判官前章□

建中元年

平盧留□□度判官中大夫檢校尚書戶部郎中兼侍

御史敬謩

節度押牙中大夫試殿中監馮珣 □山人呂滔

文林郎守兗府兵曹參軍田浩 文林郎任城縣尉高

鏗

朝散大夫行任城縣令權知乾封縣令楊序

節度駙使官朝散郎試光祿寺主簿明幹

唐建中元年二月廿九日同口口岳因詣瑤池故志

之

右在第一側下截

任要等祭嶽記并詩

此分刻在第二面第三四兩截左偏記六行詩八行行十九字

二十字至廿二字皆左行行書

檢校尚書駕部郎中使持節都督兗州諸軍事兼兗州

刺史侍御史充太州團練使任要貞元十四年正月十

一日立春祭嶽遂登太平頂宿其年十二月廿二日立

春再來致祭茶宴于茲

同遊詩客京兆韋洪

衛王遷運

乾封縣令王怿

尉邵程

嶽令元寘

造車十將程日昇後到續題

臘月中与韋戶曹遊發生洞徘徊之際見雙白蝙蝠

三飛靈洞時多異之同爲口号

任要

山翠羃靈洞洞深竈想微一雙白蝙蝠三度向明飛雖

言有兩翅了自無毛衣若非飽石髓那得騰口口偶見

歸堪說殊勝不見歸

同前

韋洪

欲驗發生洞先開冰雪行窺臨見二翼色素飛無聲狀

類白蝙蝠幽感騰化精應知五馬來啓螯口春榮露冕
口之久鳴騶還慰情

碑兩側

兩側皆廣九寸一作上下二截上截係武后時詩五行下截六行一作五截其第三截詩六行餘或四行五行皆題名惟第一截係宋政和題記七行左行皆行書

五言 早春陪 勅使麻先生祭岳

行博城縣令馬友鹿

我皇盛文物道化而壑先鞭撻走神鬼玉帛禮山川遂
下龕洲使來遊紫洞前青羊得處所白鷄口時率虔懇
飛龍記昭彰化鳥篇巖風半山水鑪氣摠雲烟光抱口

口 霞明五色而山橫翠嶽外宇口淥潭邊侵幕灰塵
暖焚林火欲然暉光著草樹春色換山泉伊水來何 ②
嵩巖去幾千山疑小而下墜是會神仙菜令乘鳧入浮
丘駕鶴旋麻姑幾季歲三見海成田

右在第一側上截

五言 贈諸法師

宣義郎行博城縣丞公孫杲

駕鶴排驪霧乘鸞入紫烟凌晨味潭菊薄暮玩峯蓮玉
菜伍梁下金颺引窗前嘯傲雲霞際留情口口年

大曆七年正月廿五日徐修文來記

右在第二側第三截

岱嶽寺主良素

岱嶽觀上座董太虛觀主趙元監齋許林 王瑤 王

希嶠

岱嶽山人王寓 渤海高暉

徂來山人高季良 戶曹參軍魏嘉禮檢校齋 解

張寰

右在第二側第一截左行

岱岳觀主道士趙昌元 使下行劉伯川

大道弟子鄭仙芝

天師下行官邊阿秀 張友朝

守鄆州盧縣丞權知岱岳令畢從勸 羊希復

乾封縣令劉難 石近潘仙觀岳

右在第二側第四截左行

上清龔都火洞三景口口口嶽

真君廟院主檢校道門道士卜皓

岱岳觀三洞法師尹口口 萬歲觀主道士

右在第二側下截

一 泰山之東南麓王母池有唐岱嶽觀今存小殿三楹
土人稱為老君堂其前有碑二高八尺許上施石蓋

金不古續卷五十三
合而束之其字每面作四五層每層文一首或二首
皆唐時建醮造像之記周環讀之得顯慶六年一首
儀鳳三年一首天授二年一首萬歲通天二年一首
聖歷元年一首久視二年一首長安元年一首四年
二首神龜元年一首景龍二年一首三年一首景雲
二年三首開元八年一首大歷七年一首建中元年
一首其空處又有唐代人題名書法不一東側面有
詩一首其下題名西側面題名亦有詩一首中二側
面皆無字唐碑存於泰山者唯此及元宗泰山銘蘇
頌東封朝覲頌二文皆磨厓刻於山上而此碑在山

下以小而雙束故不仆書非名筆故摹拓者少而獨
完至今因歎唐時六帝一后修齋建醮凡二十許其
此二碑亦異乎近代之每歲一碑以勞人而災石者
矣但不知趙德甫金石錄何以不收恐古人碑記失
傳者正多耳碑下爲積土所壅予來游數四最後募
人發地二尺下而觀之乃得其全文云 碑凡大周
年者天作而地作塋人作至聖作璽臣作惠年作率
月作⑤亦作⑥韻會以⑥爲生字誤考此碑及順陵碑⑥字並是月字 日作⑦
星作⑧正作⑨授作⑩契苾明碑授作⑪初作⑫唯疲字無
可考疑是應字凡數字作壹貳叁肆捌玖等字皆武

后所改及自制字其璽歷年記有云設金籙寶齋河

圖大醮麥㊟麥古匕字太元經元攤曰運諸麥政元

稅曰稅擬之二麥方言曰吳有麥娥之臺晉束皙元居釋夕宿

匕娥王莽候鉅銘候鉅重五十麥斤是也後人不知

妄于左旁添鑿三點淺而大又稍偏知非一筆唐碑書七

字亦有作麥者今墨子書周公旦朝讀書百篇夕見漆十土張參五經文字匕作漆後人省筆作麥麥即

漆之草書趙古則謂以匕漆二字合成造之非也山海經剛山多柴木水經注漆水下有染縣染渠染溪

字皆作染染今舊唐書睿宗紀先天二年三月癸巳

詔制敕表狀書奏牋牒年月等數作一十二十三十

四十字是知前此皆借壹貳等字矣不知其始於何

年也程大昌演繁露曰古書一為弋二為式三為

弋蓋以弋為母而一二三隨數附合以成其字特不

知單書一畫為一單書二畫三畫為二為三起自何

時今官府文書凡其記數皆取同聲而點畫多者改

用之於是壹貳叁肆之類本皆非數直是取同聲之

字借以為用貴點畫多不可改換為姦爾本無義理

若十之用拾八之用捌九之用玖尤為不倫韻會捌破聲劉

歆遂初賦石亦有似可相通者易之參天兩地左傳

自參以上則往稱地來稱會是嘗以參為三矣考工記鏃

矢參分第矢參分莊子參月而後能外天下史顏子

記滑稽傳飲可八斗而醉二參並以參為三

不貳過士有貳宗國不堪貳為其與正為副則貳之為貳尚或可以傳會矣在顏師古時江克傳固已訛大臺為太壹又薛宣傳本曰壹笑為樂而俗本乃改壹笑為壹矢此時一已為壹矣若元本不用壹字則一字本止一畫何緣轉易為壹也又今漢書凡一字皆以壹代詩壹辭曰富壹者之來大學壹是皆以修身為本周禮典命其士壹命公羊襄公二十九年傳許夷狄者不壹而足則一變謂壹已在師古之前矣然本改壹為訛非也俗本改壹為訛非也然而古今經史凡書千百之字無有用阡陌之阡伯叔之伯者予故疑舊本不曾改少畫以從多畫也然不能究其起自何時 洪氏

容齋隨筆曰古書及漢人用字如一之與壹二之與貳三之與參其義皆同鳴鳩序刺不壹也又云用心之不一也而正文其儀一也表記節以壹惠注言聲譽雖有衆多者節以其行一大善者為謚耳漢華山碑五載壹巡狩祠孔廟碑恢崇壹變祝睦碑非禮壹不得犯而後碑云非禮之常一不得當則一與壹通用也孟子市價不貳趙岐注云無二價者也本文用大貳字注用小二字則二與貳通用也易繫辭參天兩地釋文云參七南反又如字音三周禮設其參注謂卿三人則三與參通用也 册府元龜文宗太和

二年十月詔天后所撰十二字並却書其本字今按景龍以後碑志之文固皆書其本字矣不知何以復有此詔陪勅使麻先生祭岳詩在岱岳觀東側而其文剝蝕不全久視二年記所稱神都青元觀主麻慈力卽其人也武后遣之至觀修醮神都卽東都故有伊水嵩巖之句岱嶽觀王圓題名此碑有貞元十九年二十年建中元年貞元十四年題名都督兗州諸軍事任要行博城縣丞公孫杲二詩此碑前文從右方起後詩并題名或從右方起或從左方起每層高下多寡參錯不一以文意筆法求之乃可辨其

起訖凡唐人紀遊題名皆就舊碑之陰及兩旁書之前人已題後人卽於空處插入大小高下皆無定準宋初亦然自大中祥符以後題名者乃別求一石刻之字體始得舒縱亦不與舊文相亂然石小易於搬取故題名愈多而存者愈少今之溝渠碾磨之間皆是物矣此碑西側面又有宋政和甲子題名一條又按茶薺之茶與茶苦之茶本是一字古時未分麻韻茶薺字亦只讀爲徒東漢以下乃音宅加反而加字音居何反猶在歌戈韻梁以下始有今音又妄減一畫爲茶字此碑兩見茶字皆从草从余可見唐時

字體尚未變爾雅檟苦茶廣韻九麻中有茶字又有

茶字注曰俗是也 又任要題名貞元十四年正月

十一日立春祭嶽遂登太平頂宿其年十二月廿一

日立春再來致祭茶宴于茲曰茶宴者蓋唐時祭畢

猶不用酒今不然矣

金石文字記

記凡有八天授年間者一萬歲通天年間者一聖歷

一年間者一久視年間者一長安年間者一其中文內

數目字作壹貳叁肆捌玖等字謂皆武后所改顧亭

林證以演繁露謂古已並作此字唯古文經史凡書

千百之字無有用阡陌之阡伯叔之伯者以余攷此

書阡伯字經或無文然記傳益嘗有之矣管子四時

篇修封疆正千伯注千伯即阡陌也董仲舒云富者

田連阡伯過秦論起阡伯之中而漢書食貨志商君

壤井田開阡伯此數字雖不專以數目言然阡伯與

阡陌字古亦同用至志下文云商賈亡農夫之苦有

阡伯之得師古曰阡謂千錢伯為百錢則數目字亦

作阡伯如是見于史者非其徵與

周書克殷解命南宮百達遷九鼎揚

用修云百達即伯又顧氏引册府元龜文宗太和二

達百與伯亦同用年十月詔太后所撰十二字並却其本字今按景龍

以後碑誌之文因皆書其本字矣不知何以復有此

金匱要略卷五十三
詔予檢容齋續筆唐中宗既流殺五王再復武氏陵
廟右補闕權若訥上疏以爲天地日月等字皆則天
能事賊臣敬暉等輕紊前規削之無益于淳化存之
有光于孝理疏奉手製褒美據此則僞撰字已復行
至文宗乃見于詔文始以掃除其迹耳顧氏殆亦未
之詳也與授堂金
石跋

右雙碑合而爲一以石束之凡四幅及碑側碑額題
字三十四段文字大小參差不一元按此碑著錄自
國朝顧亭林始予至山左更搜拓全本較顧爲多
內稱大歷十四年二月廿七日同登泰岳爲淄州刺

史王圓案天寶元年改刺史爲太守此當大歷或稱
刺史由至德二載官名復舊也又建中元年二月有
節度判官中大夫檢校尚書工部郎中兼侍御史敬
謩見唐書宰相世系表謩建州刺史書謩爲謩表誤
也又有朝散大夫行任城縣令權知乾封縣令楊序
序亦見表觀王房但未著其歷官亦有闕漏也又有
文林郎守兗府兵曹參軍兗州爲大都督府故有府
稱其稱節度驅使官者濬鎮自所署置威權移於此
矣顧氏自述來遊數四募人發地得其全文今元更
爲補遺如此益嘆搜奇難盡也山左金
石志

按此碑今俗稱鴛鴦碑二石合爲一兩面兩側其刻三十二段今所錄者惟唐刻尚有皇祐政和題名三段應入于宋此不錄也碑書次叙參錯今依年號次第錄之而某段在上下前後左右仍詳註于各條之前後題之有年號者始于顯慶六年訖貞元十四年係屬一碑不宜離析併錄于此其首條曰顯慶六年二月廿二日高宗本紀是年二月乙未改元龍朔二月丙寅朔乙未是晦日則廿二日尚是顯慶六年也郭行真稱東岳先生者道士而主東岳也未有賜號但謂之先生皇帝爲高宗

皇后卽武后七日行道者謂建道場七日也今定觀法師齋醮主法者謂之主行卽此行字造素像者素與素塑通用此爲泰山設醮之始越六年乃有封禪之舉矣此下曰儀鳳三年大洞三景法師葉法善兩唐書有傳云法善少傳符籙高宗聞其名徵詣京師將加爵位固辭不受求爲道士因留在內道場供待甚厚此所謂大洞三景法師也言是高宗之賜號三景者雲笈七籤云三洞經第一洞真第二洞元第三洞神乃三景之元白八會之靈章此云大洞蓋合三洞而名之法善此時奉敕

於此設河圖大醮也造壁畫元始天尊蓋修齋必兼造像或素或畫相間行之此下曰大周天授二年有道士馬元貞稱之曰金臺觀主中岳先生此中岳猶郭行真之謂東岳也有內品官楊君尚歐陽智琮唐書百官志龍朔二年改內侍監爲內侍省有高品一千六百九十六人品官白身二千九百二十二入此云內品官是內侍省之品官也奉聖神皇帝勅者垂拱四年五月武后加尊號爲聖母神皇以得寶圖于洛水稱之曰天授聖圖其後遂改元建號曰周又加尊號聖神皇帝此是改元

之二年命元貞往岳瀆投龍作功德以告革命之事元貞于此東岳行道章醮投龍作功德一十二日夜造石元始天尊像一鋪按韓駒東齋紀事云道家有金龍玉簡學士院撰文具一歲齋醮投于名山洞府金龍以銅制玉簡以階石制卽此所謂投龍也顯慶六年行道止于七日此作功德乃一十二日夜矣凡造像少者止一軀多則謂之一鋪此天尊像曰一鋪明非一軀也此下曰萬歲通天二年東明觀三洞道士孫文儁奉天冊金輪聖神皇帝勅紀稱武后以天冊萬歲元年加號爲神次

年三月改元萬歲通天至是詣岳觀行道造石像一軀後有專檢校銜名謂檢校造像之專官也此下曰聖歷元年臘月癸巳朔大宏道桓道彥奉勅設金籙寶齋河圖大醮七日行道兩度投龍造等身老君像一軀後有專當官銜名其云臘月者武后自永昌元年改用周正以建子為歲首臘月者丑月也武后末年有中丞桓彥範與張柬之等謀復中宗此有道士桓道彥殆彥範之族歟金籙寶齋河圖大醮金籙與黃籙同為道家齋醮之法書經籍志道家潔齋之法有黃籙玉籙

經教王川黃籙書帝之金簡也劫聖真君傳結壇之法有九等二擅其上曰黃籙延壽壇其中曰黃籙齋慶壇下曰黃籙驅邪壇唐六典祠部郎中員外郎掌祠祀享祭天文漏刻國忌廟諱卜筮醫藥道佛之事凡天下觀總一千六百八十七所每觀觀主一人上座一人監齋一人齋有十名其一曰金籙大齋其二曰黃籙齋餘不錄其設譙行道之法則六典未詳也雲笈七籙云順天興國壇凡星位三千六百為普天大醮延祚保生壇凡星位二千四百為周天大醮祈穀福時壇凡星位一千二百

金石錄卷五十三
爲羅天大醮此云河圖大醮雖未詳其壇位要亦彷彿三壇之儀也行道祇七日而投龍有兩度則其儀有加矣造等身老君像等身者與人身等也此特云等身則其他造像之不等身可知矣專當官者猶言專管官專辦齋醮造像之事也當勾當也亦卽管勾也此下曰久視二年太歲辛丑正月二日丙子神都青元觀主麻慈力賁龍璧御詞繪帛香後有祇承官銜名久視元年十月巳復寅正此正月寅正之正月也是歲正月丁丑改元大足正月乙亥朔丁丑爲三日此是正月二日事故仍

稱久視二年周制不避唐諱故直書丙子萬歲通天元年登封嵩山以岳爲神岳其地爲神都此麻慈力乃神都青元觀之道士也此次祇是龍璧香帛之禮無設醮造像之文龍璧謂金龍玉璧非刻龍於璧也祇承官皆兖州都督屬官承應其事者也此下曰長安元年歲次辛丑十二月辛丑歲年號有三初曰久視繼曰大足至十月改元長安此十二月乃改元以後也道士金臺觀主趙敬同奉勅修金籙寶齋三日三夜又於觀側設五岳一百廿槃醮禮金龍玉璧並投山訖又有鎮綵紋繪造

東方玉寶皇上天尊一鋪後有專當齋并檢校像
 官銜名金錄卽金錄通用字此次修齋祇三日夜
 亦云簡矣然所謂設五岳一百廿盤醮禮則已前
 所無也玉璧代玉簡投山卽投澗之意鎮綵紋繪
 者卽下文本命鎮綵物也造天尊一鋪二真人夾
 侍皆已前所有此更有仙童玉女等則初見也觀
 後列銜名可知勾當修齋是一事造像是一事而
 博城主簿董仁智兼之也下曰長安四年九月勅
 內洪奉三景弟子中岳先生周元度修度命齋三

此卽于皇年十一月威儀師邢虛應法

師阮孝波承議郎行宮闈丞某等奉勅建金錄大
 齋四十九日奏表投龍薦璧以本命鎮綵物造天
 尊一鋪十事壁畫天尊一鋪廿二事書本濟經一
 部度生經千卷後有專管官銜名威儀師者道職
 也宮闈丞者唐書百官志內侍省監從三品少監
 內侍皆從四品上其屬有六局曰掖庭宮闈奚官
 內僕內府內坊不云其爲丞據此碑稱行宮闈丞
 則知六局皆有丞矣承議郎階正六品下是亞于
 少監內侍也設齋至四十九日又造像一鋪有十
 事畫像一鋪廿二事書經至千餘卷皆已前功德

所無者專管官猶專當官也此下曰神龍元年三月大宏觀法師阮孝波奉勅建金錄寶齋四十九人九日九夜爲皇帝皇后造天尊像一鋪中宗以是年正月甲辰監國改元神龍丙午復位三月復國號唐此碑在三月故直稱大唐也阮孝波前條但稱法師此則稱大宏道觀法師矣建齋九日夜較四十九日夜者爲簡而四十九人之數則前條所無者末不著專管官而有書人劉良秀銜名與前異也此時武后尚在而修齋造像但爲皇帝皇后乘除之理然也然武后之世屢行齋醮固不足

論中宗一旦反正其整飭綱紀必多先務而乃首蹈武后之轍急急爲此求福之事唐書贊所謂下愚之不移者此亦其一端也此下曰景龍二年二月廿七日辛卯設金錄九日九夜燒香然燈并設五岳名山圖等醮用本命紋繒及餘鎮綵造像朝議郎王幹等沐浴身心虔拜靈壇勤亦至矣詳玩此語乃本觀道士所記也二月廿七日辛卯按二月甲子朔則辛卯是廿八日不知何以云廿七也五岳名山等醮前條未見又前條皆云本命鎮綵物此條曰本命紋繒及餘鎮綵是本命與鎮綵物

爲二事也未有太山巖巖方韻語三句非詩非頌未詳何意竹垞跋以此語爲張懷貞作似亦無確據此下曰景龍二年二月勅道士杜太素呂皓仙曹正一三人建金籙大齋追濟兗等州大德四十九人七日七夜轉經行道夾紵像一鋪十一事二聖本命鎮綵修造修齋用四十九人前條不云某處道士此獨詳言濟兗等州大德又行道而加以轉經亦前所無者云紵像則知非雕非素直以本命鎮綵裝飾爲之也此下云景雲二年六月皇帝敬憑太清觀道士楊太希於名山斫燒香供養此

段是睿宗手勅有云恐百姓之不寧慮八方之未泰式陳香薦用表深衷又云朕躬男女六姻永保如山之壽國朝官寮萬姓長符擊壤之歌方是時韋氏反逆中宗被弑公主駙馬並遭誅戮男女六姻之禍亦云慘矣藉茲香薦以冀懺除且惓惓及于官寮百姓詞旨悱惻較前此之貢諛飾美者異矣云斫燒香者當是于名山斫取香水爲供養猶今人用速柅柏檀之類也碑書千仞作千刃通用字不作采則从篆也此下曰景雲二年八月蒲州丹崖觀上坐呂皓仙奉勅往東岳及萊州東海投

龍并道次靈跡修功德末云陸大鵜等奉都督齊國公崔處分令此起居呂尊師呂皓仙前條稱蒲州丹崖觀監齋此則稱爲蒲州丹崖觀上坐殆道職亦有超擢也此次不獨爲東岳凡道次經過靈跡皆作功德也都督齊國公崖不署其名新唐書崔日用傳中宗時日用拜兵部侍郎兼修文館學士帝崩韋后專制畏禍及更因僧普潤道士王曠私謁臨淄王以自託韋氏平以功授黃門侍郎參知機務封齊國公坐與薛稷相忿競罷政事爲婺州長史歷揚汴兗三州刺史碑稱齊國公與傳合而云都督者卽兗州刺史也日用前以僧道之力得私謁以自託此時失政出守思更假道士之力以求內召窺見呂皓仙屢奉勅使因遣官起居以申結納之意則以崔爲日用固無可疑者矣此下曰開元八年勅使于太山投龍合練寵以紫綵送以紺錢都督韋君式經構葺因太山之木用近土之人以七月廿日畢功益紀葺建之事投龍而加以合練及紫綵紺錢皆前條所未有此下曰開元十九年觀主張遊霧建立真君修齋三日夜末有專當官銜名而不云奉勅此下曰開元廿年勅內

侍省內謁者監胡芻等又有專知官銜名而不書齋醮之事百官志內謁者監十人正六品下胡芻卽此官也此下曰大歷七年勅修齋醮投告瑤池而後有中使判官府丞小使內供奉道士翰林供奉道士山人弟子大叔行官皆前條所未備者又有同勾當官專知齋醮檢校官等銜名此下曰大歷八年奉勅行道七日夜瑤池投告下云造碑口六所則前條所無所勅中使等銜名與上年同後有專知官銜名此下曰淄州刺史王圓等大歷十四年登泰嶽憩王母池樂壤題記此下是建中元

年鴻臚少卿口偃等祭岳題名此下是貞元十四年正月十二月兩度立春任要等祭岳題記及詩同作者韋洪唐書禮樂志五岳四鎮歲一祭各以五郊迎氣日祭之東岳岱山于兗州此立春日所以有祭岳之舉然此是歲行常典而留題刻石者僅見于此任要亦賢刺史矣此下是馬友鹿陪麻先生祭岳詩麻先生者卽青元觀主麻慈力也此下是公孫杲贈諸法師詩此下是叅軍岳令觀主山人等雜題名而岱寺主僧良素亦與焉自馬友鹿以下皆無年號並附于後總計兩碑中所載八

金石萃編卷五十三
帝一后凡一百三十餘年前後齋醮投告之儀備
詳于此此等正史禮志之所不書碑官傳記之所
未及而遺文軼事亦足以裨史家之考證子故亟
爲序錄而詳說之其任要等所作詩唐音統籤所
未採

金石萃編卷五十三終

金石萃編卷五十四

賜進士出身 誥授光祿大夫刑部右侍郎加七級王昶撰

唐十四

六祖墜腰石題字

石高廣均一尺六寸五分
分題五字隸書餘正書

六祖墜腰石

龍朔元年

黑齋居士蔣口勒石

塊石繩穿祖跡留曹溪血口此中收應口一片東禪
月口口口口四百州

金不玄紀卷五十四
□□四祖遠孫□□□□

許洛仁碑

碑連額高一丈一尺三寸廣四尺五寸三分三十九
行行七十七字下半截磨滅正書額題大唐故口口
大將軍代州都督許公之碑十
六字篆書陽文在醴泉縣昭陵

唐故左監門將軍冠軍大將軍使持節口口代折口蔚

西州口口口代州刺史土柱國許公口口并序

口口口口口口口口口口

在天成象辰緯昭其度在地成形山岳閉其寶氣

西平口口英口口口口神口周下口口耿賈口洪烈

望口為隣庶可揚摧公諱洛仁字

錫珪顯於西京口戚豈惟叔重博物立言不朽固

將清鑒月旦稱工年祀綿邈口口武下口口

照情曲口慶清風獨開心鏡即安樂土權居晉陽

加彪齊儀同三司善元郡守武川鎮將襲爵寧口縣公

口口口口口口口口口口口口盪都督口州判

史江夏縣開國公學窮訓誥智周微忽言多去伐動必

建旗杖節恩洽去思開國承家義光公口公口口

口口下口口口口口口口口口口口口旅口口者

見之雅相推挹歎曰此兒即公侯子孫必復其始年甫

弱冠氣蓋關河節慕原當志凌□□□長□□□_{闕下}

□□□□地之深□□有□天之□□迹閭巷潛結

英雄載懷圯上之書寧羞跨下之辱炎靈標季綱密秋

荼前代衣□並□宿衛□□□□□□_{闕下}□□□□

□高祖膺□□之運掃焚燎之苦太宗

挺廼聖之姿救昏墊之疾援旗異野杖號參墟

文皇昔在龍潛□□英傑_{闕下}都尉□□□士馬之□□

甲兵之富俱迷天命莫悟真主文皇引公等數

人密圖討擊二凶授首三軍告慶昔□□兵誅_{闕下}之

□□實冠終古□□□大夫文皇引公於內營

為領兵墜主授之禁旅委以兵機雖滕公之誠著奉車

典□之勤宜繞□□之□□□□_{闕下}□□□□繁□

□□□□公或□□成□或掉快致師取汾州□柏

壁破宋老生軍擊□州□陳皆親領選士屢□就敵仍

治平京□□□□□□□□_{闕下}□□□□□□

□□□衛車騎侯君集段□喬軌□莫府功臣悉在部

□薛仁□妄假大名僭竊隴右□承竇融之機翻□□

元之□□□□□□□□_{闕下}□□□□公宏龍韜豹

變之□□鷹揚□□之姿火烈振其英武泉涌符其智

略勲高諸將賞懋恒序王充跨據伊瀍盜乘輿之器服

竇德并看趙魏□□□之□□ □□□□□□

□□□□公內□□□外捍牧圉洛汭邨山風馳電擊

城臯□武霧卷冰銷雖□叡策神謀出於九天之上而

摧堅陵險寔惟三令之威及飲至□勳□□□□□

□□_下□□□□□□□□之重責以綏撫之□公以羈

勒之勤屢移寒暑推解之惠有背心靈眷戀 鴻恩固

辭朝寵載感 天聰遂停嚴會既而□□□□_下□

□□□□□公□去官于時武德之九年也其年授大

明府別將尋轉本府統軍貞觀二年除右衛原城府統

軍以屠龍之伎處割鷄之□小道既□□□方□□年

授右武衛_下□瓜牙奉 勅□□□□□□元武

門宿衛供奉九年加雲麾將軍行右武衛中郎將十八

年行左監門中郎將兼峻□章授上護軍公翊衛□陳

□□_下□秋之□畫地□□若夫 紫宸清肅□門

有闕 皇居嚴闕洞戶增深金鋪激日銅鱗□夜

爰命腹心管其榮籥十八年除□監門將軍□□_下□

之□□□方其□□□陽居上將之列纔可匹此儀形

從尹之望既隆順帝之情逾□朝夕□侍駟馳密勿

太宗嘗從容謂公曰我□□□□_下□□疇□□

□於□卿□□別與朕相見欲□□論□□之事昔者

王業權輿帝圖莫劫

太宗經綸天下曾涉戎行

險阻艱難備嘗之矣公於武闕口口口口口口一匹下

口口口口口口陳指口必口此口

聖旨自謂其

目號曰洛仁駮及天下太口思其驂服又感口仁誠節

命刻石圖像口於

口口口口口口口口口口口口下口口

口口口口口口口口連類口口耻小公又於萬年宮進馬

一匹 聖情喜悅乃親乘御顧謂羣臣曰此人家中

恒出口馬

下口口口口口口口口口口口口口口

文

皇嘗於琵琶中度曲村聲以示羣下 上因顧問曰諸

人有識此曲者乎羣臣離席將對而未口所說公口前

口口此口口口口口之口口下此口口口口口口口口

口口州即公之本邑公自以冀府舊顧所隆重乃

獻食上壽并進女樂迺誠所感親為舉觴因問公口口

口口下口口口口口口口口口口口口公有口

人之口口慰勞賜物是日資公絹一百匹令口鄉親十

日聚宴文舉君觴事匪曲口口過家口家口口口

口口下口口口口口口以公事口口口口口口之口口

口口之重乃召公以雲麾將軍口叅朔望祿賜同京官

防閣三分減一 嗣文追旌以伐口寇口口

口口口口口口口口口口口口口口口口口口口口

□□□□□□□□組而狎池臺或指困濟乏或置驛招
士趙瑟秦箏將雛集鳳韓歌楚袂飛塵留客方謂□□
延年□□□□□□□□_闕之□□□□從□□□以□朔二
年四月十日□□□□□□□□私第春秋八十有五

皇帝歎歲月之居諸聽鼓鼙而惻愴贈贈之儀有加
常典乃下 詔曰故□□大□□許洛仁□□□

□□□□□□一□□□□□□□□膺伍□於□□□□
□□□□□□既晏寵命逾隆方肆優閑奄傷淪逝宜
加哀錫式旌泉壤可贈使持節都督代忻□蔚四州諸
軍事代州刺史□□□□□□□□陪□ 昭陵賜

□□二百段睿事所須□宜官給□□□□一人為
其檢校并度三人出家以追冥福謚曰勇公禮也即以
其年十一月十七日葬於 □陵□□□□□□

□□□□□□□□□□鄙其糟粕深明□□
□□□然英□□□武毅□□□其秘訣早符白水之
祥妙辨黃龍之運 太宗文皇帝上廻乾軸下系

坤維□一德而□黎□□三餘而□□□□□□_闕下
□□□□公□□□□□□□□六□□其威聲兩河

宣其智力金鼓之下氣警萬夫玉帳之前算居九變取
□之妙雲驚鼓末擊虫之□電駭□□以百□□□之

功被登歌東川闕口西階啓藏口厚賜口勳高口口口

口口口口口口口口口口

闕下闕下

洛仁附見許世緒傳末數語碑載甚詳但半泐不可

讀正書極似隋賀若詵碑

石墨鐫華

按碑缺其下半存者約一千七百餘字兩唐書俱

附見其兄世緒傳極簡略但云許世緒并州人弟

洛仁亦從起晉陽錄功至冠軍大將軍行左監門

將軍永徽初卒贈代州都督謚曰勇陪葬昭陵今

以碑所存字攷之公諱洛仁字濟博陵安喜人也

唐書地理志定州博陵郡屬河北道安喜其屬邑

也與史傳作并州人者異碑敘其先世推原春秋

兩漢無論已至述其近代云祖彪齊儀同三司善

元郡守武川鎮將襲爵寧口縣公

下闕

盪都督口州

刺史江夏縣開國公此必是敘其父事又祖彪以

上必有敘其曾祖事碑俱泐矣許彪北齊書無傳

不能詳攷碑此下是敘洛仁本事有云前代衣口

並口宿衛是在隋時事高祖膺口口之運掃炎燎

之苦太宗挺迺聖之姿救昏墊之疾援旗異野杖

號參墟又云文皇引公等數人密圖討擊二凶授

首三軍告慶又云文皇引公子內營為領兵墜主

授之禁旅委以兵機此皆初起晉陽及誅建成元吉事也又云取汾州口柏壁破宋老生軍擊口州取臨汾及擒斬宋老生皆開皇十三年八月事柏壁之戰是武德三年擊敗宋金剛事擊口州當是擊蒲州亦三年事又云薛仁口妄假大名僭竊隴右此是武德元年討薛舉及其子仁果事又云王充跨據伊瀍竇德并吞趙魏王充卽王世充竇德卽竇建德對王充亦去建字此與等慈寺大唐紀功碑同例皆武德三年事此上所敘戰功與本紀先後多參差又云公口去官于時武德之九年上

文缺泐不知所去何官也下云其後授大明府別

將等轉本府統軍貞觀二年除右衛原城府統軍

奉勅

缺六字

元武門宿衛供奉九年加雲麾將軍行

右武衛中郎將十八年行左監門中郎將授上護

軍又十八年除口監門將軍蓋由中郎將除將軍

同在十八年而紀年複出也又云聖旨自謂其目

曰洛仁馱此指進馬一匹事馱本駟字作馱者宋

明帝所改也刻石圖像乃畫馬而刻石也公又於

萬年宮進馬一匹此當是高宗永徽五年事是年

始改九成宮爲萬年宮也其時洛仁或從行而進

馬然萬年宮銘碑陰從官題名無洛仁姓名又云
文皇嘗於琵琶中度曲付聲以示羣下上因顧問
曰諸臣有識此曲者乎羣臣離席將對而未口所
說公口前口曰云云唐書禮樂志五絃如琵琶而
小北國所出舊以木撥彈樂工裴神符初以手彈
太宗悅甚後人習爲搗琵琶又舊唐書音樂志杜
淹曰前代興亡實由于樂陳將亡也爲玉樹後庭
花齊將亡也爲伴侶曲行路聞之莫不悲泣所謂
亡國之音也太宗曰不然音聲能感人自然之道
也歡者聞之則悅憂者聽之則悲今玉樹伴侶之

金不云新名五十一

九

曲其聲具存朕當爲公奏之知公必不悲矣又唐
音統籤有太宗詠琵琶詩据此則太宗善度曲而
喜琵琶可爲此碑之一證也碑又云乃召公以雲
麾將軍口參朔望祿賜同京官防閣三分減一此
敘乞骸骨之事又云以口朔二年四月十_{缺六私}
第春秋八十有五蓋以龍朔二年薨傳云永徽初
卒者誤也又云贈使持節都督代忻口蔚四州諸
軍事代州刺史陪葬昭陵賜口口二百段喪事所
須並宜官給_{缺五}一人爲其檢校并度三人出家
以追冥福謚曰勇公禮也卽以其年十一月十七

日葬於昭陵此其飾終之典也陪葬者皆有正副
二使監護喪事此則云一人檢校又度三人出家
尤他碑所無者碑中所紀洛仁事蹟可見者大略
如此碑書領兵墜主當是隊主莫府當是幕府城
臯當是成臯哀錫當是褒錫皆借用字

柱君綽碑

碑缺下截連額存九尺六寸廣四尺七分三十九
行每行字數不可攷正書篆額在醴泉縣昭陵

大唐故左戎衛大將軍兼太子左典戎衛率贈荊州都
督上柱國懷寧縣開國襄公杜公碑

殷王府□□□□□□□□□□文館高正臣書

關上□□□□□□□□□□□□□□□□□□□□□□

□□□□□□□□□□而□德秉□徽猷□□□□□□

□垂芳袞侍中□□□□□□金之□□□□□□
關下

歌而闡化祖□北齊舉秀才授□□□功曹□□□□

關下□□□□□□□□□□皇朝拜使持節汝州諸

軍事汝州剡史納靈秀起□□□□□□
關下

□□乎弁歲□忠信之甲冑□儒墨之域□□讓惟於

仁□□□□□□□□□□□□□□□□□□□□

關折鍵之材踰羣拔□落鴈吟猿之技槩俗標時□夫

旬□□□□□□□□□□朝□劔而歸□輪誠
關下 隲主義

寧之始□□都投義闕下□□□□□□□□□□

□鳳邱于時國步□艱方隅未一闕下已摧末金□於夏

縣雖運□舞□縱以神□而□□□□資□□公闕下

□□□□□□□□□□御輦矢及宸闈闕下□

□人□□□□□□□□□□□□□□□□□□□□

□□□□□□□□□□闕下□□□□□□□□□□

□□□□□□□□□□□□□□□□□□□□闕下之□冊

□俟之□□□□□□□□□□□□年授忠武將軍行左監

門中郎將加護軍□衛綰忠醇踐中郎之職韓□□達

□護軍之□□□漢魏是闕□□□□□□□□□□

□□□□□□□□闕詔於元武北門留守賜綵一百段

泊 鑾輿旋闕賚物如前迨乎從幸靈武 賜馬兩

匹□綵五闕下詔公居守宮闕之重帑藏之寄亟承

天盼彌効忠肅廿三年正除右領軍將軍加上護軍檢

校左武侯將軍□屯營兵知□□□屯羽林於中闕下謨

篤□□慎稱乎損益統彼兵權而已哉永徽之初兼檢

校左武衛將軍又檢校右武侯大將軍兼知右箱諸門

兵馬隊使許仲康□忠勇乃隳其闕下□□□□□□我

彼亦多愧河輦之地是□舊京近控三州遙分九谷測

圭定鼎宅中觀隩華闕□雲雕宮納景眷言監守式俟

朝賢其年奉闕□□□□□□□□都城□□加上柱國

及天蹕□巡以公留守稱旨賜黃金一百兩絹一

百五十匹從幸許州闕勅檢校左衛將軍□□□闕

人□景□□之□□太子左衛率闕詔曰左領軍將

軍懷寧縣開國公杜君綽志性沉果識懷淳愨時逢帝

構宣力於霸朝運偶□□□官於陞闕□□□□□

□華紫禁奉闕□於蘭□騰芬青陸□周廬於桂宮兼

綜斯美忠勤允著頃之奉使於鄜州道簡點明年又□

□東道經略大使賜闕□□□□□□□□□□□□□

□宣□□節於□□三韓之首載揚朝嘉其美錫以崇

□闕將軍龍茂登壇榮高坐樹董司戎政爰

□不闕京龍朔二年冊拜左戎衛大將軍兼太子左典

戎衛率闕冊曰夫五□斯重允切於惟舊三宮以穆

□闕光膺卜洛之寄羽旄東臨克隆翦華之守綢繆心

膺□懷弼亮□□鈎陳□望攸屬往欽□□其□闕於

膝庠奉闕天遊於□齊豈□逝川□反□□沙洹之

祓藏山不留俄深遊岱之恨春秋六十有二以龍朔□

□□□廿五□□朝薨於□闕天子宸悼廢朝二日

乃下闕詔曰□□□□□□於還□□棺禭禮事鬱

於遙圖故左戎衛大將軍兼太子□典戎衛率杜君綽

器用口口體局闕霸口口照登口功宣代口當五營之

劇務總七萃之機謀時歷二朝年將四紀永言勲舊情

義兼常少選口口俄從惶化口口驚悼口口口口口口茂

下軍事荆州刺史餘如故仍贈絹口四百段口粟四百

石陪葬于昭陵賜東園秘器凶事葬事所須並令

官給鼓吹儀口送至墓所往還仍令司闕下一百匹粵以

三年歲次癸亥二月乙酉朔十日壬寅遷窆于

陵東南一口口奉常口謚曰襄公闕下智燭機初神深慮

表在物奚忤見烈火而猶安口口口口墜曾臺而口口

口其趨處雄毅絕衆闕下翰襲英緹于俊路揚茂軌於清

朝鸞闕增巖龍口口秘口私於己公平之道闕上柱國

口基等並光凌謝玉移嗣韋珠充窮之酷既深苦菓之

容彌切泣清儀之永闕下

上須口矯矯口標口令中山情情攸資口口於鑠顯考

立德無競闕下節氣口奇口依仁踐孝服義基忠口顏允

德口口循躬往屬道口口迴闕天顧寄重神京肅

肅口軟昭昭迺誠萬化無期九泉俄口弔鶴闕下

日建

萬寶哲刻字

按此碑殘缺存者雖及千字而可讀成文者不及

其半其姓名某甫里居俱泐不存惟文中詔詞有
杜君綽姓名凡兩見知其姓杜氏名君綽也兩唐
書俱無傳宰相世系表杜氏有京兆襄陽洹水濮
陽四派不載君綽名不知其出自何系也碑無撰
人姓名惟一行云殷王府闕下文館高正臣書兩史
亦無傳惟宰相世系表有正臣官襄州刺史殆卽
其人後卷上元三年明徵君碑御製文高正臣奉
勅書結銜云朝議郎行左金吾衛長史侍相王書
而此有殷王府字文館字彼此不同惜此碑不見
全也張懷瓘書斷云正臣廣平人官至衛尉少

卿習右軍法元宗甚愛其書自任潤州湖州筋骨

漸備任申邵等州體法又變据此又可得其歷官

之詳也碑敘先世有曰祖口北齊舉秀才授缺三字

功曹闕下皇朝拜使持節汝州諸軍事汝州刺史闕下

自祖以上必是敘其曾祖事皇朝以上必是敘其

父事此下云弁歲口忠信之甲冑口儒墨之域口

此卽敘君綽本事弁歲猶言卅歲也曰義寧之始

口口都投義闕下此敘隋末事曰鳳邸于時國步多

艱方隅未一闕下此敘太宗晉陽事鳳邸指太宗也

曰日年授忠武將軍行左監門中郎將加護軍口

衛此似貞觀初年事曰詔於元武北門留守賜綵
一百段洎鑾輿旋闕賚物如前此似指貞觀十九
年伐高麗事曰迨乎從幸靈武賜馬兩匹口綵五
闕下詔公居守宮闕之重帑藏之寄丞承天盼彌効
忠肅此指二十年七月如靈州之事似乎初從幸
繼而奉詔居守也曰廿三年正除右領軍將軍加
上護軍檢校左武侯將軍永徽之初兼檢校左武
衛將軍又檢校右武侯大將軍兼知右箱諸門兵
馬隊使曰加上柱國及天蹕口巡以公留守稱旨
賜黃金一百兩絹一百五十疋似指顯慶五年如

洛陽宮事曰從幸許州勅檢校左衛將軍是永徽
二年十一月事曰太子左衛率詔拜口領軍龍朔
二年冊拜左戎衛大將軍兼太子左典戎衛率唐
書百官志龍朔二年改太子左右衛率府曰左右
典戎衛蓋以新改之官冊拜也曰春秋六十有二
以龍朔口口口廿五口口朝薨于口廡年月已
泐蓋早朝時薨于朝堂之廡也曰詔贈缺軍事荆
州刺史贈絹口四百段口粟四百石陪葬昭陵三
年歲次癸亥二月乙酉朔十日壬寅遷窆于陵
東南謚曰襄公薨于龍朔二年葬于三年二月以

金石錄卷五十四
乙酉朔推之壬寅爲十八日也日上柱國口基等
口基是君綽之子惜缺其名上一字末行但有日
建二字又一行曰萬寶哲刻字建碑年月全泐大
抵卽在三年而刻字姓名獨全何其幸也碑之可
見者大略如是

道因法師碑

碑高九尺四寸五分廣四尺一寸三分三十四行行
七十三字額題故大德因法師碑正書在西安府學

大唐故翻經大德益州多寶寺道因法師碑文 并序

中臺司藩大夫隴西李儼字仲思製文

奉義郎行蘭臺郎渤海縣開國男騎都尉歐陽通書

大哉乾元播物垂象肇有書契文籍生焉雖十翼精微
陰陽之化不測九流沉奧仁義之涂 刈闡而勞生蠢蠢
豈厭塵門闔海茫茫恒漚苦浪亦有 貫經浮說錦籍寓
詞駕鳳升雲駮龍棲月跡均轉縷空溺志於邪山事比
繫繩詎知方於覺路孰若訓昭金口道秘瓊箱靜痛毒
於三漏拯橫流於五濁是生是滅發蓮化之音非色非
空被栴檀之蔭暨乎鶴林稅輶涅槃之岸先登鳥筆記
言摠持之苑斯闢結集之侶揚其實諦傳授之賓宏其
妙理然則紹宣神典幽贊鑿宗跨生肇以遐騫追安什
而曾鷺可以聲融繡石采絢雕圖則於我法師而見之

矣法師諱道因俗姓侯氏濮陽人也自繞樞凝祉紀雲
而錫麈貫昂搗祥奠川而分緒司徒以威容之盛垂範
漢朝侍中以才晤之奇飛芳晉暎衣冠繼及代有人焉
祖闕齊冀州長史父瑒隨栢仁縣令竝琢磨道德砥錫
文藝或題輿展驥贊務於千里或亨蠡製錦馳聲乎一
同法師稟祐居醇含章縱哲覃訏之歲粹采多奇髫鬣
之辰殊姿獨茂孝愛之節慈順之風率志斯在因心以
極季甫七歲丁于內艱嗑粒絕漿殆乎滅性成人之德
見稱州里免喪之後乃伐宏誓而以風樹不停浮生何
恃思去髮膚之愛將酬罔極之恩便詣靈巖道場從師
習誦而識韻恬爽聰晤絕羣曾不浹旬誦涅槃二裘舉
衆嗟駭以爲神童逮乎初卅方蒙落髮於是砥行飭躬
架德緝道篋虵能翦心援久制迦流增智望非加勤在
疑必請見義思益尊講涅槃十地洞盡幽微宿齒名流
咸所歎異及受具戒彌復精苦若浮囊之貞全譬圓珠
之朗潔始聽律義遍訖便講辯析文理綜核指歸十誦
之端五篇之蹟寫瓶均美傳燈在照又於彭城嵩論師
所聽攝大乘嵩公懿德元猷蘭薰月暎門徒學侶魚貫
鼻集講室談筵爲之踟蹰遂依科戒而爲節文季少沙
門且令習律曉四分者方許入聽法師夏臘雖幼業行

攸高獨於衆中迥見推挹每敷攝論卽令覆講而披演
詳悉詞韻清暢諸方翹俊靡弗歸仰於心遍窺釋典咸
通密藏五乘之說四印之宗照盡幾初口窮慮始每摠
衣講席隱几雕堂舉以玉柄敷其金牀渙乎冰釋頤然
理順延惠風而不倦同彼清流磨來響而無疲類夫虛
谷搢紳之客慕義波騰緇黃之侶承規景赴法師志求
冥寂深厭鄙滓乃負袞褰裳銷聲太嶽復谿局岫飲露
餐霞樹偃禪枝泉開定水凡經四載將詣洛中屬昏季
陵夷法網巖峻僧無徒侶弗許遊涉於是杖錫出山子
焉孤邁恐罹刑憲靜念觀音少選之間有僧欵至皓然

白首請與俱行迨至銅街暨於金地俯仰之際莫知所
在咸謂善逝之力有感斯見非夫確至曷以臻乎旣而
黃露興祆丹風起孽中原蕩覆具禍以蓋法師乘杯西
邁避地三蜀居於成都多寶之寺而靈關之右是曰隩
區遠接荆舒近通邛犍邑居隱軫人物鄙濼宏才巨彥
碩德高僧咸挹芳猷歸心接足及金符啓 聖寶麤

乘時運屬和平人多好事導靈流於已絕闢妙門之重
鍵法師以精博之敏爲道俗所遵每設講筵畢先招迂
常講維摩攝論聽者千人時有寶暹法師東海人也植
藝該洽尤善大乘昔在隨朝英塵久播學徒來請接武

磨肩暹公傲爾其間仰之彌峻每至法師論義肅然改容
沉吟久之方用酬遣法師抗音馳辯雷驚波注盡妙窮
微藏牙折角益州摠管鄧國公竇璣行臺左僕射贊國
公竇軌長史申國公高士廉范陽公盧承慶及前後首僚
并西南嶽牧竝國華朝秀重望崇班共籍聲芳俱申虔仰
由是梁嶠之地庸澗之毗飲德餐仁雲奔雨集法師隨緣
誨誘虛往實歸昔曇翼高奇教闡沉犀之壤法和通敏道
著蹲鴟之域協時揆事抑亦是同考業疇聲彼則非袞而
以久居都會情異俶真養中晦跡可求天解復於彭門山
寺習道安居此寺往經廢毀院宇凋弊法師慨然構懷專
事營輯若乃危巒迢遞俯瞰龍隄絕磴逶迤斜臨鴈水近
對青城之巘迤瞻赤里之街雲榭參差星橋縈映於是分
巖列棟架壑疏基窈窕陵空併仞罩景松吟竹嘯共寶鐸以
諧聲月上霞舒與琬題而並色仙花祕草冬夏開榮擾獸
馴禽晨昏度響諒息心之勝境毓道之淨場乎而以九部
微言三界式仰緬惟法口將翳龍宮揮鬼豪而匪固籀魚
綱而終滅口口鑄勒口口永昭弗朽遂於寺北巖上刻石書
經窮多羅之祕裘盡毗尼之妙義縱洪瀾下注巨火上焚俾
此靈文永傳遐劫豈直迷生之類覩之而發心後學之徒詳

之而悟道既而清猷遠暢峻業遐昭遂簡宸衷乃

紆天紱追赴京邑止大慈恩寺與元奘法師證擇

梵本奘法師道軼通賢德隣將聖揭遊天竺集梵文而

爰止旋謁皇京奉綸言而再譯以法師夙望

特所欽重瑣義片詞咸取刊證斯文弗墜我有其緣慧

日寺主楷法師者聰爽溫瞻聲藹鴻都乃首建法筵請

開奧義帝城緇俗具來諮稟欣焉相顧得所未聞

諸寺英翹懣然祇服咸敷師子之坐用佇頰仰之音法

師振以麈詞宣乎幽偈同炙輶而逾暢譬連環而靡絕

者季粹德曠士通儒粉帶稽疑雲消霧蕩伏膺請益于

嗟來暮惟法師姿韻端凝履識清敏粹圖內蘊溫采外

融運柔嘉以成性體齋邀而行己峻節孤上夷險同貫

沖懷不撓是非齊躅加復研幾史籍尤好老庄咀其菁

華含其腴潤包四始於風律綜五聲於文緒宿植勝因

恬榮褻欲善來佛子落采菴園開意花於福庭濯元波

於妙境而貞苦之操絕衆超倫聰亮之姿踰今邁昔信

法徒之冠冕釋氏之棟梁乎凡講涅槃華嚴大品維摩

法華楞伽等經十地地持毗曇智度攝論對法佛地等

論及四分等律其攝論維摩仍出章疏旣而能事畢矣

宏濟多矣脫屣於臆境棲神於淨域春秋七十有二以

顯慶三年三月十一日終於長安慧日之寺梵宇殲良
真門喪善悲纏素侶慟結緇徒卽以四季正月旋乎益
部二月八日窆於彭門光化寺石經之側道俗門人星
流波委銜哀送衆有數千巖谷爲之傳響風雲於是
變色慧日寺徒衆竝闡邪迺妙綜理探微保素真源歸
嚮正道自法師戾止咸共遵崇追思靡及情深軫慕弟
子元凝等稟訓餐風斯稱上足而以慈燈罷照崇山無
仰循堂室而濡涕對几帟而流慟敬於此寺刊金撰德
氣序雖遷音塵方燭亦猶道林英範託繡礎以長存慧
遠徽猷寄雕碑而不朽其詞曰

緬哉佛性廓矣麤門功昭曠劫化拯重昏冲儀已謝妙
道斯存匪伊開士孰暢其言於顯法師誕靈傑起如松
之秀如巖之時穆穆風規堂堂容止行窮隱括識洞名
理爰初紐錦早厭樊籠言從落飾乃沐蠶風將超八難
卽晤三空貞圖可仰峻範彌融鹿野微詞猴江粹典源
流畢究奧隅咸踐法鏡攸懸信花彌闡振嶽符論奔濤
喻辯昔在昏虐時逢禍亂東去戢道西遊違難天啓聖
期光華在旦翼教嶠益騰聲巴漢爰雕淨境于彼曾岑
分欄架壑聳塔依林搜經緝義篆石堦金芥城斯盡勝
跡無侵載奉 王言來遊 帝宅慧義資演真宗

佇譯紫庭之彥丹臺之客竝企清儀俱餐妙蹟淪羲口
口口口口光遽嗟分岸永泣摧梁龕留舊影室泛殘香
書芬紀藹地久天長

龍朔三年歲次癸亥十月辛巳朔十日庚寅建

華原縣常長壽范素鑄

唐道因法師碑中臺司藩大夫李儼撰蘭臺郎騎都

尉歐陽通書通率更令詢之子東里續集

道因與元奘同譯經者見高僧傳碑文亦宏麗饒其

家言然去簡栖頭陀不啻一小劫耳龔州山人四部稿

古人晤悟二字多通用此碑才晤聰晤即晤三空皆

是悟字而王右軍蘭亭序晤言一室之內又以晤為

悟陸雲逸民賦明發晤歌亦以晤為悟金石文字記

蘭臺父子齊名號大小歐陽然率更世傳數碑而蘭

臺止存一道因碑率更楷法源出古隸居唐楷第一

而蘭臺早孤購求父書不惜重貲力學不倦作書每

用批法蓋學其父也庚子錄夏記

右多寶寺道因法師碑唐百官志有品有階有爵有

勳以大夫入銜者惟左諫議大夫諫議大夫御史臺

大夫而已若文官散階自光祿大夫至朝散大夫凡

十一階而無司藩大夫自朝議郎至將仕郎凡十六

階有奉議宣義而無奉義龍朔二年改尚書省曰中
 臺自尚書令而下以六尚書為屬未嘗有司藩也或
 者在宗正寺之屬然改曰司宗而非司藩也改秘書
 省曰蘭臺秘書郎曰蘭臺郎其曰行者以奉義之下
 連用郎字恐階與職不辨也歐陽公云唐之盛時職
 有常守位有常員其為法則精而密其施于事則簡
 而易行至于交侵紛亂者由其時君狗一切之苟且
 故其官益冗名類繁多莫能徧舉即此碑司藩奉義
 在當時為顯著之名至于今不可考究則官制之蔽
 槩可見已縣開國男從五品爵也而勳級騎都尉亦

從五品奉義或即奉議與秘書郎皆從六品勳爵左
 階品上二等者或以賢能或以功績轉而上之也當
 時雖從五品皆有勳爵鼓勵之意寓焉今則貴賤懸
 殊五等之列無幾人矣金石錄

此碑題額上書三菩薩名字與碑文大小略同審之

亦通筆也前人並未錄過關中金石記

右道因法師碑其云中臺司藩大夫者通鑑龍朔二
 年二月改尚書省為中臺胡三省注謂二十四司郎
 中皆改為大夫主客為司蕃杜岐公通典所載同惟
 司蕃作司藩以是碑證之則通典為正唐書百官志

武德三年改司藩郎曰主客郎中龍朔二年改禮部曰司禮祠部曰司禋膳部曰司膳獨不及主客之為司藩蓋轉寫漏脫爾儼書郡望書字而通獨否未詳其故蘭臺郎即秘書郎亦龍朔所改也碑有具禍以蓋語今本毛詩作燼攷說文無燼字火餘之燼當作夷方言蓋餘也自關而西秦晉之間坎薪不盡曰蓋則蓋夷本一字馬融長笛賦蓋滯抗絕李善注蓋與燼同陸元朗詩釋文亦作蓋蓋唐初諸儒傳授之本如此釋文雖云或作燼然夷已从火不應更著火旁疑流俗所改故陸氏不從之也竇軌傳封贊皇縣公宰相世系表書鄴公此傳贊國公蓋由贊皇縣公進國公而傳失書耳軌父恭仕周封鄴國公故軌亦承父封鄴省邑旁作贊古字通用也

潛研堂金石文跋尾

按此碑額上刻釋迦牟尼觀自在大勢至三佛像俱題字撰文者李儼兩唐書無傳惟法苑珠林卷首有李儼序是總章元年三月作與此碑相距五年故結銜作朝散大夫蘭臺侍郎與此異也碑曰製文與上官靈芝之製王居士塽塔銘同例書者歐陽通兩唐書俱附其父詢傳所敘通事始自儀鳳年此碑立於龍朔三年所題銜傳俱從略其爵

曰渤海縣開國男乃是襲父封也碑云法師諱道因俗姓侯氏司徒以威容之盛垂範漢朝侍中以才晤之奇飛芳晉牒司徒謂後漢侯霸矜嚴有威容光武初累進大司徒侍中謂晉侯史光受學於劉夏舉孝廉爲散騎常侍兼侍中此下敘先世祇祖父二代祖闕齊冀州長史父瑒隋柏仁令齊隋二書俱無傳柏仁漢晉皆作柏人東魏改曰柏仁隋書地理志屬襄國郡也碑此下述道因之事云年甫七歲丁于內艱乃發宏誓便詣靈巖道場從師習誦曾不浹旬誦涅槃二帙靈巖道場在山左

今屬濟南府長清縣宋時寺中有講經律論三門僧職觀此知在唐時經藏已備也開元釋教錄載涅槃部其五十八卷六帙其中大般涅槃經四十九卷四帙其云不浹旬誦二帙是二十卷成誦也又云又於彭城嵩論師所聽攝大乘釋典有大乘小乘大乘經律論總六百三十八部而其中論九十七部嵩公謂之論師或是聽講大乘中之論部也又云凡經四載將詣洛中屬昏季陵夷法網嚴峻僧無徒侶弗許遊涉杖錫出山靜念觀音有僧白首請與俱行俯仰之際莫知所在此紀觀音之靈

跡也各寺觀音皆女像惟錢塘天竺夢泉供出山
觀音是男像亦白首老人與碑所紀同也又云乘
杯西邁避地三蜀居於成都多寶之寺此下金符
啓聖寶歷乘時云云是入唐以後事曰益州總管
鄧國公竇璣行臺左僕射贊國公竇軌長史申國
公高士廉范陽公盧承慶兩唐書傳竇璣字之推
從太宗平薛仁果尋鎮益州未幾拜秘書監封鄧
國公竇軌字士則父恭仕周爲雍州牧鄧國公高
祖起兵軌迎謁從平京師封贊皇縣公赤排羌寇
漢中連戰有功復鄧國舊封武德三年遷益州道

行臺左僕射高儉

詳見前碑

貞觀元年出爲安州都督

轉益州大都督府長史盧承慶父赤松武德中封
范陽郡公卒承慶襲爵永徽初爲褚遂良所搆出
爲益州大都督府長史按此四人官益州非同時
之事碑蓋合前後而總敘之也高士廉官長史時
未封申國及封申國則已同中書門下三品碑則
敘其先爲長史而加以後封之爵也又云赴京邑
止大慈恩寺與元奘法師證釋梵本大慈恩寺建
於貞觀二十二年道因與元奘譯經當在此年之
後當時同譯諸僧尙有多人道因賴有此碑而傳

金石錄卷五十四
標題稱翻經大德洵沙門美號也

濟度寺尼蕭法願墓志

石方廣二尺三寸三十四行行
三十四字正書在西安府學

大唐濟度寺比丘尼墓誌銘 并序

法師諱法願俗姓蕭氏蘭陵蘭陵人梁武帝之六葉

孫唐故司空宋國公之第三女也原夫微子去殷昭

茂勲於抱樂文終起沛兆峻伐於收圖瓊構鬱而臨雲
珠源淼而浴日延禎錫祚開鳳麈於朱方疊慶聯規纂
龍符於紫蓋逮鼎遷南服胄徙東周英靈冠上國之先
軒冕宅中州之半法師乘因夔劫植本遐生孕月仙姿

稟清規於帝渚儀星寶態降淑範於台門襍祿之辰先
標婉質髻亂之歲遽挺柔情聰悟發於生知孝友基乎
天縱中外姻族莫不異焉加以骨象無儔韶妍獨立鈇
華不御彩絢春桃玉顏含澤光韜朝薜年將十歲頗自
矜莊整飾持容端懷檢操每留神於擊悅特紆情於紉
組瓊環金翠之珎茵簞衾幃之飾必殫華妙取翫閨闈
麗而不奢盈而不溢旣而疏襟學府繹慮詞條一覽而
隅隩咸該再覲而英華畢舉豪飛八體究軒史之奇文
法兼二妙符衛姬之逸迹羣藝式甄女儀逾劭宋公
特深撫異將求嘉匹載佇孫龍以光宋鯉而嚴庭垂訓

早沐慈波鼎室承規幼明真諦飄花兒雪初陪太傅之
歡摘菜爲香遠警息慈之念爰發宏誓思證菩提懼塵
情於六禮乃翹誠於十誦承間荐謁請離俗緣 宋公
論道槐端丹青神化虔襟奈苑棟梁正法重違雅志許
以出家甫及笄年爰披法服乃於濟度伽藍別營禪次
庭標鴈塔遠茂城臺藏寫龍宮遙嗤魯館於是空寂
念襲慧薰心悅彼口衣俄捐綺縠甘茲蔬膳遽庠臙腥
戒行與松栢齊貞慧解共冰泉等澈超焉拔類恬然宴
坐若乃弟兄辨供親屬設齋九乳流音六鉢含馥瓶錫
咸萃冠蓋畢臻唯是瞻仰屏帷遙申禮謁自非至戚罕

有覲其形儀者焉加以討尋經論探窮闡域覈如路之
微言括毗尼之邃旨至於法華般若攝論維摩晨夕披
誦兼之講說持戒弟子近數十人莫不仰味真乘競趨
丹枕傍窺淨室爭詣元扉肅肅焉濟濟焉七衆之仰曇
彌何以尙也重以深明九次闕想禪枝洞曉三空澄襟
定水厭此纏蓋忽現身疾大漸之晨謂諸親屬曰是身
無我取譬水萍是身有累同夫風葉生死循環寔均晝
夜然則淨名申誠本乎速朽能仁垂則期於早化金棺
乃示滅之機玉匣豈栖神之宅誠宜捐軀摯鳥委形噬
獸歛衿正念奄然無言粵以龍朔三年八月廿六日捨

壽於濟度寺之別院春秋六十三姊弟永懷沉痛不忍
依承遺約乃以其季十月十七日營空於少陵原之側
儉以從事律也法師夙盟禪池資慶源而毓彩口口道
樹託華宗而降靈蘊地義於閑和苞天情於婉懋觀一
善則怡然自悅聞一惡則怒爾疚懷激仁義於談端明
色空於慮表故能辭台閭託禪門捨七環祛八膳精苦
之行口映緇徒戒律之儀鏘鉢法侶佇津梁於苦海奄
滅度於仁祠棣萼分華悲素秋之改色荆株析幹望青
枝而增感所懼塵飛海帶將迷渭涘之瑩石盡仙衣不
辯檀溪之隧重宣此義乃爲頌曰

口有殊稱法無異源爭驅意馬俱制心猿志擾情紊神
凝理存展如淑範獨趣馨門璇彩口分瑤姿月舉舍芳
槐路疏貞桂序雲吐荆臺霞霏洛渚學兼班媛詞彬蔡
女奠禽匪志口口昭仁捐華台室沐道馨津法關開捷
心衢屏塵九流遺累入定栖真忍藥分滋戒香口烈傳
燈不倦寫瓶無竭奄愴神遙空悲眼滅式鐫柔範終天
靡絕

今在西安府儒學近出土中移於學內題曰大唐濟

度寺比丘尼墓誌銘并序無書撰人姓名

雍州金石記

按漢書諸侯王功臣外戚諸表元孫之子卽爲六世

金石志卷五十四
瑀爲梁武帝之元孫而其女稱六葉孫蓋從漢表之
例也瑀好浮屠法嘗請于太宗欲捨家爲桑門自度
不能爲乃止而其女及女孫相繼出家于濟度寺蓋
瑀之志也

潛研堂金石文跋尾

按雍州金石記但稱近出土中而不詳得碑所在
碑文云營空於少陵原之側檢陝西通志山川門
咸寧縣少陵原在縣南四十里東接萬年縣界西
入縣界五里然則碑當出于此處矣通志祠祀門
西安府不載濟度寺長安志云安業坊東南隅有
濟度尼寺注云隋太師申國公李穆之別宅穆妻

元氏立爲修善僧寺其濟度尼寺本在崇德坊永
徽中置宮乃徙於此其額太子少詹事殷令名所
題蓋卽此寺也碑稱法師俗姓蕭氏蘭陵蘭陵人
梁武帝之六葉孫唐故司空宋國公之第三女也
梁書武帝紀稱武帝爲南蘭陵中都里人唐書宰
相世系表蕭氏在漢時彪始徙蘭陵至望之徙杜
陵其孫紹復還蘭陵至晉時整爲淮南令過江居
南蘭陵武進之東城里蓋蘭陵本屬徐州部東海
郡南史齊高帝紀其先本居東海蘭陵縣高祖整
過江居晉陵寓居江左者皆僑置本土加以南名

更爲南蘭陵郡至齊末廢蘭陵郡但有蘭陵縣至
隋開皇九年并省蘭陵縣唐時但有晉陵武進二
縣而已碑稱蘭陵蘭陵者仍其舊貫而蘭陵之上
當有南字亦從省也梁武帝二世曰統三世爲統
之第三子譽是爲後梁宣帝四世爲譽之子歸是
爲後梁明帝五世爲歸之第五子瑀至法師爲瑀
女是爲武帝六世孫不言六世而云六葉避諱也
瑀之封宋國公在高祖定京城時太宗時除而又
復其司空則薨後所贈瑀有惡謚曰貞褊碑故諱
而不書也碑云徵子殷殷勳於抱樂文終起

沛兆峻伐於收圖宰相世系表蕭氏爲微子宋公
之弟仲衍八世孫戴公生子衍裔孫大心平南宮
長萬有功封於蕭以爲附庸子孫因以爲氏至漢
丞相鄼文終侯何二子遺則則生彪始徙蘭陵者
也文云甫及笄年爰披法服乃於濟度伽藍別營
禪次法華般若攝論維摩晨夕披誦兼之講說持
戒弟子近數十人以龍朔三年八月廿六日捨壽
於濟度寺之別院春秋六十有三姊弟永懷沈痛
以其年十月十七日營空於少陵原之側棣萼分
華悲素秋之改色荆株析幹望青枝而增感玩棣

萼之語似碑文即姊弟輩所述且宋公不稱名尤足徵也法師有弟子數十人而營葬乃屬之姊弟則身雖出家仍非漠然於姊弟者矣師為瑀之第三女則上有二姊碑有弟兄辨供之語則是有上兄下弟也瑀有三子銳錡鉞不知孰為師之弟也辨與辦通用周禮考工記以辨民器注辨猶具也碑書辨供猶辦供也營空疑即營窆之義或借空為窆字又空與孔同孔與穴同義瑀之孫女為鉞女亦出家濟度寺為尼名惠源塔誌亦作神空

金石萃編卷五十四終

金石萃編卷五十五

賜進士出身 誥授光祿大夫刑部右侍郎加七級王昶謨

唐十五

李文墓志

石高廣均二尺五分二十四行行二十四字正書在同州府金塔寺

大唐故騎都尉李君墓誌銘

君諱文字緯隴西成紀人周柱史躡之後也原夫鸞鳥含靈□□□誕聖跡爰履莘女載生命氏開家其來尚矣至如□□□□樹姓焉自紫氣西浮瑤源已濬仙丹東汎玉菜□□□□□□可略言矣曾祖口齊金郡

太守恤人求瘼雨逐口口口政口風鸞隨馬去祖窆周

任定州錄事參軍鉤深索隱懷風格以繩違蹟要探機

肅霜毫紉繆父幼承詩禮早奉金羸綺歲談天齟年

對月務舉晉王府參軍事君克劭菑堂載揚弓冶昭彰

口緒淑郁家風時屬未隨不遑儒業所以學未優贍志

在前鋒應接義旗忠誠可紀錫以戎律實給寵章授騎

都尉方當矯翼雲路騁足長衢豈知天不憖遺殲良奄

及藏舟易往隙馬難口蓋露一朝生平萬古以永徽二

年十月廿九日碎於私第春秋七十有一夫人彭城劉

氏闕門從訓斷織流慈既弱魚官還嗤馬跡實光君子

簪披蒿藜何啻眉壽不終頽曦遽謝以麟德元年二月

二日碎春秋八十有二日以麟德元年歲次甲子二月

己卯朔十八日丙申合葬於同州馮翊縣武城鄉之平

原禮也孤子武仁等追惟帖帖載想蓼莪面風樹以銜

悲仰高堂而灑泣痛深曾閔酷甚柴由永薦冰魚長羞

雪竹恐陵谷更貧菜海平遷敢勒遺塵式銘靈石云介

履跡孕靈指樹含生舛浮氣紫膺帆舟輕達人知足至

理無名分枝迺聖弈菜惟英其天長地久人事推遷

鶴書易促鵬識難延既騫山壽終奄瓊年風停郢斲波

輟牙絃其一從蒿里四野蒼芒春雲結靉秋月凝光

金石錄卷之五十五
二
瑩寒吹急壟晦煙長聊旌琬習式紀遺芳

碑曰公諱文而不言其姓蓋石斷而亡其半爾文休承題其熾曰李將軍碑考唐書及集古錄金石錄碑目皆無李姓名文著人無可紀史不悉載天下碑闕至多趙歐不能兼收理或有之第碑又曰夫人李氏禮不娶同姓則文似非李也唐初功臣率多賜姓而碑敘官闕有曰開國承社得非先娶李而後亦賜姓者與休承素稱博洽且不輕妄余是以疑之

金石評考

同里曹生仲經嗜金石文手拓同州李君碑示予紙墨精善對之眼明碑未詳書者姓氏觀其峻利秀逸

非王知敬殷仲容不能造詣及此李君諱文字縉東漢以後字必以兩字稱一字者罕矣載於唐書房元齡字喬顏師古字籀李衆字師李琇字琇張巡字巡郭曜字曜宇文審字審李恢字祚李條字堅竇思仁字恕張義方字儀此外不多見

聯書亭集

貞觀時有李緯太宗征遼房元齡居守以緯爲民部尚書疏至太宗曰緯好鬚齡聞遽易之彼緯其名此緯其字也

來齋金石刻考略

此銘不著書撰人名氏然文特瘦削語不煩而意足與王居士磚塔銘同疑亦是上官靈芝撰書法瘦勁

大得褚公手意亦與磚塔銘同則知亦敬客所書二

碑一在顯慶元年丙辰一在永徽二年辛亥相去不

過五六年其時同其書又同則知的為敬客書無疑

特當時未嘗下款而敬客書名不著故知之者渺耳

虛舟
題跋

文云君時屬隨末不遑儒業所以學未優贍志在前

鋒云云其云學未優贍諸語可見古人直書無隱不

似近人虛美也

雍州金
石記

誌敘李君與夫人合葬而標題獨書李君唐人墓銘

之列不苟為牽連如此然于曾祖及父闕諱而祖得

書名又稱父舉晉王府參軍事晉王即高宗未為太

子時封號也

授堂金
石跋

按金石評考以為碑曰公諱文而不言其姓蓋石

斷而亡其半今觀此石未嘗斷字未嘗亡且標題

已著李君之姓文中不必再言李氏下文所引典

實皆推原其始則姓自見唐碑誌銘之例如此也

李文兩唐書無傳宰相世系表隴西李氏各房俱

無其人祖諱突周書亦無傳父舉晉王府參軍事

授堂跋以為晉王即高宗未為太子時封號按高

宗封晉王在貞觀初年碑敘其父云幼承詩禮早

奉金籊綺歲談天韶年對月則是舉晉王府參軍
事尚在隋時下文乃述君事云時屬末隨不遑儒
業云云可證也所謂晉王者當是隋煬帝封號煬
帝以開皇元年封據碑稱李君以永徽二年卒春
秋七十有一推其生在開皇元年迨君之長正值
隋末則君生之時父在髫年也君以應接義旗授
騎都尉記官位止于此他無可述也碑書卒作碎
从說文也葬于馮翊縣似其時遷居同州矣夫婦
合葬同敘一碑初見於此碑明言夫人彭城劉氏
不知何以金石評考云李氏而有不娶同姓之語

疎忽甚矣孤子武仁等亦無考

贈泰師孔宣公碑

碑連額高一丈四尺三寸廣五尺三十一行行八十二字隸書額題大唐贈泰師魯先聖孔宣尼碑十二字篆書在曲阜孔廟

大唐贈泰師魯國孔宣公碑

秘書少監通事舍人內供奉臣崔行功奉 勅撰

文奉 勅直祕書行祕省書學博士臣孫師範書

臣聞形氣肇分宗匠之塗遂廣性情已著名教之理攸
典是故雕刻爲妙物之先粉澤成眞宰之用若其明語
奔智則聖非攘臂之端莊寄齊諧禮必因心之範雖九

流爭長百家競逐而宗旨所歸典墳取俊夫軒義已謝
子姒迭微步驟殊方質文異轍及流爨起譟箕服傳訖
憲章版蕩風雅淪喪然而千齡接聖崇朝可期五百見
賢伐柯未遠粵惟上哲降生圮運理接化先德充造物
財成教義彌綸之跡已周口口心靈範圍之功且峻利
仁以濟幽顯垂訓以霑動植自歎起臨川道窮反袂西
峯嚮玉幾燼蒼山東野柔乘多塵碧海屬混元再造休
明一期雅頌之音復聞郊禋之禮還緝跨巢胥之逸軌
邁龍鳥之遐風瞻白雲而昇介丘翼蒼螭而過沂上而
令千祀之外典冊遂隆九泉之下哀榮方縟斯迺命爲

罕說道不預謀豈如箕山之魂空成寂漠信陵之墓徒
復經過將知龍蛇之蟄潛契於天壤聖智所遊高懸於
日月言之不可極其唯孔泰師乎泰師諱丘字仲尼魯
國鄆人有殷之苗裔也分於宋則孔父嘉爲大司馬弗
父何以國讓其弟厲公正考父佐戴武宣而受三命居
於魯則有防叔伯夏叔梁紇紇生泰師若夫天命鑿鳥
玉筐隆其濬哲瑞啓白狼瑤臺繁其錫類武王覆夏仍
遷象物之金有客在周復奏棗林之樂茲恭喻尸臣之
鼎高讓挹延吳之風合緒昌源煥乎已遠至如象緯凝
質則傳說巫咸嵩華降神而申伯吉甫在於郊臨巨跡

鬱符中野之口水帶丘阿遙均反宇之慶韞乾坤之精粹陶陰陽之淑靈度九圍十河日海口放勛文命有喻於儀彤子彥臯繇微詳於具體孟孫言其將聖泰宰辯其多能神關繫表性與道合時初撰屢已訓魯卿年未裘裳先窺周室猶且學期上達業遵下問龍如藏史或訪禮經碧准萇蠶言詢易象曲臺相圃廣陳揖讓之容師摯師襄屢辯興亡之極罔羅六藝經緯十倫加以思入無方情該至蹟陳庭矢集懸驗遠飛季井泉開冥口幽怪新萍汎日能對於楚賓舊骨淪風旋訓於越使藏往知來之際微妙蠶通之旨不可以龜策求不可以筮蹄得及其譽聞曲阜南宮展師資之敬應務中都西隣化諸侯之灋冬官效職五土得其攸宜秋令克宣兩觀展其刑政溝疏墓道且抑季桓田歸汶陽遂凌齊景尊君卑臣之訓自家刑國之術每惆悵於興周亦畱連於韶管然而高旻不惠彼曰浸微起哀怨於王風絕歸飛於鳴鳥是邦可化斯道欲行暖席興憂問津匪倦俎豆嘗說空及三軍之容季孟有言不接雙雞之膳晏平推士尚或相排子西讓王終成見拒亦有宋朝司馬喬木難休衛國匡人逆旅焚次荷蕢微者翻嗟擊磬之心儀封細人潛明木鐸之意旣而在斯興感用輟棲遑狂簡

斐然彌嗟穿鑿旋駮舊館掃筵闕里杏壇居寂緇林地
 幽知十稽微得二承妙科斗所載方閱舊文睢鳩在篇
 遍詳雅什河漢鞞鼓鏗鏘之響復傳宗廟衣裳升降之
 儀還序博約無倦誘喻多方后稷躬耕近關勵物伯夷
 餒死猶可激貪周公其人則神交於夢想管仲小器歎
 微之於征伐信立德立言秦上謂之不朽曰仁與義前
 哲以之周旋覆簣為山喻天階而不陟讀易無過假日
 蝕以鳴謙茨嶺峒山寄言於獨善口情風御未涉於通
 莊妙臻數極作侔易簡是知縫掖迺兼濟之塗華袞非
 為政之要及其愚智齊泝椿菌如一南楚狂狷舊辭鳳
 衰東魯陪臣奄成麟斃晨興負杖知命發於話言夕寐
 奠盃將萎傷其溘慮崇山口谷口口下而無由隕石沈
 星架大梁而何有門人議服俱纏至極之哀國史制詞
 永錫愍遺之誄及挺深夏屋樹列遠方五勝迭遷六籍
 無准席間初圓已外微言入室且分過乖大義秦人蛙
 沸遺燼翳然漢代龍驤披書未翦元封有述殘缺載陳
 甘露嗣蹤搜揚復起春陵受命先訪於膠庠譙郡膺符
 多招於文學逮江馬南度泉鵝北飛鴉入環林鯨衡聖
 海有隨交喪中原翦覆東序南雍鞠為茂草六樂五禮
 皆從煨室欽若
 皇唐肇膺明命
 祖

武宗文之業天成地平之勲圖書因樂推重干戈由寧

亂集剗舟創浮芹藻之詩先遠戎衣初卷羽籥之節旋

興 皇上以聖敬而撫璇圖 文明而膺寶

璽夏啟挹口光兆姬誦讓其惟清化入龍沙風移鯁海

金丘展畫瓊田薦蹠潛馬飾黃芝之封浮龜吐綠文之

籥虞庠殷塾廣賓虜叟蓬嶺石渠朋延惇誨垂衣裳而

凝想虛 旋纘以永懷至於大道浸微小康遂往羸

譏紫□□□云阿剗風白金徒遵高里黃初正始時多

聞然建武永平業非盡善而迺作樂崇德殷薦之禮畢

陳有孚載饗觀下之訓齊設肆類羣望孝享之義益隆

歸功

三后尊祖之誠逾切

詔寰中而徵萬主

□□□以召百靈一茅分茹雙鶴共羽翠華遠昇藉席

虛位 上帝儲祉泰壹有暉山祇傳聲海神會氣九

皇之况榮可嗣三代之闕典還屬迺使朱鳥詳日蒼威

戒路七萃騰景八鑿鏘風過大庭以省方掩洙上□□

□□居莫辯祠堂歸然見馬鬣於荒墳識欂檀於古隧

歎重泉之可作聞盛德而必祀言敷典訓廣命仔材贈

以泰師式旌幽壤改製神宇是光令德于時 皇唐之

御天下四十有九載卽乾封之元年也攝提口歲句芒

獻節兗州都督霍王元軌大啓藩維肅承 綸誥虜徒

金石錄卷三十五
九
揆日疏閑雍遠接泮林之舊壤削靈光之前殿徂來新
甫伐喬木而韻流嚶岱吠泗濱採怪石而喧浮磬頰紫
施絢黝黛飛文沓拱重櫺春窓秋幌陰欄積霧複閣懷
煙几仍度室席遵函丈喜宮澹然晬容有穆至如襄城
有訪七聖接其駢驂汾水言遊四子冥其衡軛將謂布
衣黃屋名器則殊卷領素王感召宜一顏子侍側似發
農山之談季路承聞如興浮海之說西華束帶尚以要
賓言偃褻裘猶爲得禮避席延其不敏捨瑟睠其幽情
共列昇堂齊參觀奧歲時蘋藻復雜昌蒲平日絃歌還
聞絲竹
皇儲一德聿隆三善博望邀裾肅成講義

發揮鎔造幽贊事業而以周穆之觴王母尚勒西弁漢
帝之展稷丘因書東嶽遂迺思建隆碣上聞 天辰
言由國本理會 冲情副震宮之德聲命芸閣以絢頌
龔堂闢兮神靈優揚教思兮兩儀配燭 皇綱兮融
帝載堯可履兮舜爲佩晝而明兮夜而晦于嗟業兮麗
萬代其詞曰

赫赫上帝悠悠天造神集鴻名聖居大寶循性稱教銜
性爲道政若鎔金化倂偃草 爰晝先起律呂創陳禮
節天地樂和人神成期用簡業尚日新綽無聲臭隲有
彝倫 水火朝變憲章時革周廟傷禾殷墟悲麥褒豔

紕雅羸荷淪蹟散亂記言支離方册 自天生德由縱
 成能賓筵恪嗣銘鼎家承蹲龍運舛振鐸冥膺闕典攸
 緝斯文載興 廣訓三千徧于七十歷階東會藏書西
 入楚將分社齊聞與邑接輿自狂長沮空執 在智伊
 妙惟神迺幾羊因魯觸鳥向陳飛那傳頌管編照書韋
 卜商承絢顏子參微 堯則不追昌亦遂往名教潛發
 心靈汎獎德配乾坤業暉辰象麟悴遙泣山噴負仰
 三統昌日千齡 聖期禋宗有昊展禮崇基觀宣時邁
 神緘孝思絳螭承輓翠鳳翻旗 上浮龜蒙遙集鄒魯
 翹勤真跡惆悵今古舊壁迷字荒墳翳斧 綸賁宗師

詔緝靈宇

虹梁野構翬翼林舒雕櫳繡栒圓井方

疏沂童浴早泮鳥鳴初俎豆蠲絜丹青藹如 墨檢前
 蹤莊放遺轍於昭遐訓允歸聖烈肅穆仁祠陰沈像設
 隨四序以潛運懸三光而不跌

碑陰

分上下二截上截刻二詔一表共二十五行行五十
 五字下截刻祭文一首共二十五行行十二字又儀
 鳳二年一行在碑左邊介上下截之間並隸書又金
 明昌二年記二行在碑上截之左邊太子表文之末
 書行

武德乾封詔勅

大唐武德九年十二月廿九日下

金石考續卷五十五
太宗文武聖皇帝詔曰宣尼以大聖之德天縱多能王道籍以裁成人倫資其教義故孟軻稱生人以來一人而已自漢氏馭轡魏室分區爰及晉朝暨于隨代咸相崇尚用存享祀朕欽若前王憲章故實親師宗聖是所庶幾存亡繼絕抑惟通典可立孔子後爲褒聖侯以隨故紹聖侯孔嗣哲嫡子德倫爲嗣主者施行

皇帝以乾封元年正月廿四日下

詔曰朕聞德契機神盛烈光於後代化成天地靈功被於庶物魯大司寇宣尼父孔丘資大聖之材屬衰周之末思欲屈己濟俗鷹道佐時應聘周流莫能見用想乘

桴以永歎因獲麟而興感於是垂素王之雅則正魯史之繁文播鴻業於一時昭景化於千祀朕嗣膺寶籙祇奉睿圖憲章前王規矩先聖崇至公於海內行大道於天下遂得八表乂安兩儀交泰功成化洽禮盛樂和展采東巡迴輿西土塗經茲境撫事興懷駐蹕荒區願爲師友瞻望幽墓思承格言雖寔寢荒蕪餘基尚在靈廟虛寂微烈猶存孟軻曰自生人以來未有若孔子者也微禹之歎旣淡褒崇之道宜峻可追贈太師庶年代雖遠式範令圖景業惟新儀刑茂實其廟宇制度卑陋宜更加修造仍令三品一人以少牢致祭褒聖侯德倫旣

承襲緒有異常流其子孫竝宜免賦役主者施行

皇太子驪表

臣聞周師東邁商閭延降軾之榮漢蹕西旋夷門致抱
關之想况泣麟曾躅歌鳳遙芬被縟禮於昌辰飾殊榮
於窮壤者伏惟 皇帝陛下資靈繞極稟粹登樞乃

聖乃神體陰陽而不宰無為無事均雨露之莫和六符
篤而太階平百寶臻而天祚永靈臺所以口伯延閣由
其增絢尚齒尊賢邁 鴻名於萬古興亡繼絕騰峻

軌於千齡大矣哉茂實英聲固無得而稱矣日者封金
岱岷會玉梁陰路指沂川塗經闕里迴 鑾駐子式監

堯禹之姿闢纘凝旒載想温良之德於是特紆宸渙贈
以 太師爰命重臣由其奠醊廟堂卑陋重遣修營褒
聖侯德倫子孫咸蠲賦役臣 恩均扈從迹濫撫軍

舊烈遺塵躬陪瞻眺雩壇相圃欣覲前聞又昔歲承
恩齒胄膠塾歷觀軒屏且到門徒想仁孝於顏曾弥

深景慕探風猷於竹帛冀啓顯蒙所以輕敢陳聞庶加
褒贈 天慈下濟無隔異時咸登師保式光泉夜敢

以前 恩重茲干請竊謂宣尼之廟重闢規摹桂奠
蘭羞永傳終古崇班峻禮式賁幽埏而翠嚳莫題言猷

靡暢詢諸故實有所未周且將聖自天惟幾應物拯人

倫於已墜甄禮樂於既傾祖述勛華三千勵其鑽仰憲
章文武億兆遵其藏用豈可使汾川遺碣獨擅於無慙
峴岫餘文孤標於墮淚伏見前件孔廟營構畢功峻業
曾徽事資刊勒敢希 鴻澤令樹一碑徂遼海清口
九無徵發山東豐稔時踰恒歲况鄒魯舊邦儒教所起
刊勒之費未足爲多許其子來不日便就乞特矜照遂
此愚誠臣識昧恒規言慙通理塵黷聽覽追增悚戰
勅旨依請

乾封祭文

維乾封元年歲次景寅二月戊戌朔二日己亥

皇帝遣司稼正卿扶餘隆以少牢之奠致祭先聖孔宣
父之靈惟神玉鉤陳規靈開四肘之源金醑流禎慶傳
三命之範神資越誕授山岳以騰英天縱攸高蘊河海
而標狀折衷六藝宣創九流睿乃生知靈非外弊於是
考三古褒一言刊典漢定風什蒞敬之容畢備鐘鼓之
音載和父子爰親君臣以穆蕩乎煥乎樂正雅頌各得
其所可不謂至聖矣夫瞻以寡德嗣應神器式崇祗配
展義云亭感周禮之尚存悲素王之獨注抒軸洙泗如
挹清瀾畱連舞雩似開金奏昌門曳練徒有生芻之疑
漠曲移舟非復祥萍之實慨然不已爰贈太師堂宇卑

陋仍命修造褒聖子孫合門勿事庶能不遺百代助損益之可知永鑑千年同此肩而為友聿陳菲奠用旌無朽梅曙霞梁松春月曠德音暢而無斲形神忽其將久儻弗沫於生前亦知榮於身後尚饗

儀鳳二年七月訖功

明昌二年七月一日暴風折木壓其碑仆於地龜趺分為二碑與字俱無害豈陰有所相而然耶九月一日復命工易以此座云提控修廟朝靖大夫開州刺史高德裔記

此崔行功撰孫師範書行功嘗書開元寺千佛記者

師範無書名而此碑分隸是唐初法亦有漢魏遺意

可與唐詔表碑同觀 高祖高宗詔各一通祭文一

通太子宏表一通皆分書金明昌中暴風折木壓碑

仆跌損而碑不損刺史高德裔易跌樹之行書題六

十五字于后王元美曰其行筆不甚精功而時有漢

意乃知古法自開元帝始盡變也

石墨
鐫華

碑文內升升二字升音陞升音斟隸釋漢苦縣老子

銘有升星字司隸校尉楊孟文石門頌上順升極白

石神君碑米升五錢注竝云斗字

漢隸分韻升升
二字上升下斗唐

比邱尼法琬碑天分斗極竟作升字則謬矣昔人以

其文易混故改升爲斗俗作斗而二字多有誤者故漢書食貨志治田勤謹則畝益三升不勤則損亦如之臣瓚曰當言三斗尚書帝命驗黃曰神斗博雅誤作神升又世語姜維膽大如升誤作斗字之从斗者漢樊鄴復華下民租田口筭碑斛作斛苦縣老子銘涼州刺史魏元丕碑料作秝魏受禪碑料敵用兵料作料王知敬李衛公碑運奇料敵料作料歐陽通道因法師碑斜作斜韋虛心鄭子春北嶽廟碑史惟則慶唐觀金籙齋頌魁作魁晉書孝武帝紀論謝元之善料軍事何超音義曰料力弔反一作料後人不

知古人書法妄改爲斷而淳化閣帖晉簡文帝書斟字作斯又與升旁加一點以別升字後周華嶽頌斟字亦同張公禮龍藏寺碑捐讓而升大寶升字作斗以斗加一點爲升則不經之甚矣

金石文
字記

右唐高宗封孔子泰師碑左傳室如縣罄國語作磬碑書擊磬字作磬二字古蓋通用也梓材卽梓材見古文尚書楊雄甘泉賦上天之緯師古曰緯事也讀與載同銘云緯無聲臭蓋用戴記語而從子雲之奇字也

金石
存

右贈泰師孔宣公碑新舊唐書霍王元軌傳不載爲

兗州都督事可據以補史之闕

潛研堂金石文跋尾

此碑銘云循性稱教循與修通漢碑多以修為循也

爻書先起依文義當作爻畫蓋刻者誤耳文末作韻

語又銘詞四字為句末二句忽六字初唐人體格不

拘類如此碑陰太宗封孔德倫為褒聖侯詔一高宗

新廟致祭免子孫賦役詔一皇太子宏請立碑表一

乾封祭告文一未行但書儀鳳二年七月訖功無書

人姓名筆意頗似前碑惟字多別體及錯譌通借者

如商作商極作極稟作稟兩作兩薦作篤偃作偃齒

作齒罕作罕具列門徒具列作貝到慙作慙久無徵

發久作九矜作矜追增棟戰增作贈戊戌作戊戌

作醑莊作莊鼓作鼓朕以寡德朕作瞻寡作寮嗣膺

神器膺作應曠作曠皆是按太宗以武德九年即位

詔下於是年十二月尚未改元其稱太宗文武聖皇

帝據上元元年改諡為文也舊唐書高宗本紀乾封

元年正月丙戌發自泰山甲午次曲阜縣幸孔子廟

追贈太師增修祠宇以少牢致祭其褒聖侯子孫並

免賦役與碑合是年正月戊辰朔甲午次曲阜在廿

七日而詔以廿四日下蓋未至曲阜之前也祭告文

云皇帝遣司稼正卿扶餘隆考舊唐書職官志龍朔

二年二月甲子改百司及官名以司農爲司稼卿爲正卿亦與碑合乾封元年詔令三品一人致祭司稼正卿卽三品也皇太子請立碑敕旨依請卽崔行功所撰者是也。是碑文無關尚資考證而不遭明昌之仆折誠如高德裔所記有鬼神陰相之者矣。山左金石志

按此碑合兩面所刻凡奉敕撰文一太宗詔一高宗詔一皇太子表一祭告文一而以曲阜志通編卷內稽其先後則武德九年太宗詔其首也次乾封元年正月高宗詔次乾封元年二月祭告文次皇太子表次崔行功奉敕撰文崔行功文碑無歲

月其文中稱乾封元年者是贈太師之年非撰文立碑之年皇太子以總章元年二月釋奠于學贈顏子爲太子少師曾子爲太子少保然後表請闕里孔子廟立碑表內云昔歲承恩齒胄膠塾指總章元年釋奠事又云想仁孝于顏曾彌深景慕敢輕陳聞庶加褒贈咸登師保式光泉夜皆指贈顏子少師曾子少保之事而詳玩昔歲二字則請表當更在總章元年以後矣表末云敕旨依請曲阜志此下載詔曰皇太子宏近因釋菜齒胄上庠祗事先師馳心近侍仰崇山而景行眷曩哲以勤懷

顯顏曾之特高揚仁義之雙美請申褒贈載甄芳烈朕嘉其進德冀以思齊訓誘之方莫斯爲尚顏回可贈太子少師曾參可贈太子少保竝配享玩詔語與表不合碑不刻入宜也曲阜志繫於表末誤矣碑云祕書少監通事舍人內供奉臣崔行功奉敕撰文奉敕直祕書行祕書省書學博士臣孫師範書舊唐書崔行功傳行功高宗時累轉吏部郎中兼通事舍人內供奉坐事貶游安令尋徵爲司文郎中當時朝廷大手筆多是行功之詞遷蘭臺侍郎咸亨中官名復舊改爲祕書少監上元元年卒唐書百官志祕書省少監二人龍朔二年改祕書省曰蘭臺少監曰侍郎咸亨元年官名復舊此碑云祕書少監是咸亨復舊之銜則撰文又在咸亨元年以後矣孫師範無傳其銜曰直祕書行祕省書學博士百官志云貞觀令職事高者爲守職事卑者爲行書學隸於國子監有博士二人從九品下所掌學生以石經說文字林爲專業餘字書兼習之今觀碑字頗有不合于說文者可知當時書學之官不盡能深明六書也然其書此碑隸體嚴整以之充博士之官亦無忝矣凡奉敕撰書

之例撰者曰臣某奉敕撰書者亦曰臣某奉敕書此碑獨於崔行功奉敕撰文之下接云奉敕臣某書與他碑異也碑文首敘宣聖先世次敘宣聖事蹟次敘歷代至唐典禮沿革語極詳贍有云皇儲一德聿隆三善思建隆碣上聞天辰此卽敘皇太子宏表請立碑事舊唐書太子宏傳云宏高宗第五子總章元年二月親釋菜司成館因請贈顏回太子少師曾參太子少保高宗竝從之而其表請曲阜立碑之事傳亦不書太子薨于上元二年年二十四其總章元年釋菜年甫十七洵乎其爲賢

儲也則碑末書儀鳳二年訖功在太子薨後二年矣太子表云臣恩均扈從迹濫撫軍舊烈遺塵躬陪瞻眺雩壇相圃欣覲前聞是指高宗東封幸曲阜事東封在乾封元年太子時年十五在扈從之列而史傳亦無文蓋史之略者多矣祭告文有司稼正卿扶餘隆考通志氏族略諸方複姓有夫餘氏吳太子夫概王奔楚餘子在吳以夫餘爲氏百濟國王夫餘寬生璋號帶方郡王生義茲唐拜帶方郡王金紫光祿大夫生隆熊州都督帶方郡王生文宣司膳卿左衛大將軍樂浪郡公扶餘疑卽

夫餘此扶餘隆官司稼卿與官司膳卿相類似亦同源于百濟者也東封之前數年百濟初平方於扶餘道置行軍總管以伐高麗此扶餘隆或卽其國人入仕于朝而從行東封者歟孔嗣哲爲孔子卅一世孫其封紹聖侯在隋大業四年然則德倫爲卅二世孫也碑陰隸體大致相同然凡太字皆從本字不作泰與孫師範所書異以此知書者非出一手也殆是當時書學所習書體不甚懸殊亦足徵一時風氣所尚也碑字多別體山左金石志所舉已詳而有未盡者如漢蹕作漠蹕登樞作登

掘凝旒作凝旒獨往作獨注皆偏旁所从之異而易啟後人之惑者碑內兩引孟子生民以來語生民俱作生人乾封詔固因避諱貞觀詔係高宗時追書故亦避諱也崔文云愚智齊泚泚卽泯字亦避諱作泚也六籍無准廣韻云准俗準字字林則準與准同此時書學兼宗字林宜其以准爲準也乾封詔應聘作應聘及書太子表躬陪則作躬陪此又偏旁之可隨意互易也碑篆額十二字分行字徑四寸碑首形圓題額外左右刻二仙子峩冠羽衣騎鶴而行左右相向鶴含草如竹葉周刻

大花葉唐畫真蹟不易見此石刻猶略得其規模
而碑首刻仙人跨鶴尤翔見此碑明昌二年一條
記此碑之不遭仆損卽附于此不復析出云

金石萃編卷五十五終

金石萃編卷五十六

賜進士出身 誥授光祿大夫刑部右侍郎加七級王昶讚

唐十六

于志寧碑

碑高九尺七寸五分廣四尺四寸二分四五行行
九十五字正書額題大唐故柱國燕國公子君之碑
十二字篆書在三原
縣北五十里三家店

上出闕其闕金闕下避難闕下慶靈闕下英賢闕下南闕下川闕下亦
闕下傳太宗□□三□□□公贈□□□恒等□州諸□

□□□□□□□□□□□□績茂□□功□□□

跨□□之十亂邁炎靈之三傑祖義隨上柱國瓜□□

□四州刺史□□□□□□公□□□□□□
 □□□□□□重簪纓器名瑚璉位登上列政治藩
 維父宣道隨車騎將軍上□□□□□□□□□□
 □□□□□□開國□□□□孫殫身浴德既揮翰於鳳
 沼亦拊翼於龍樓□□□□□□光□□□□
 □□□□□□沙五州諸軍事□州刺史□日
 □漢□欽無忌之□□□重中郎之德以今望古何以
 □□□□章□□□德降生稟□□□□□英靈於
 嶽瀆亦猶嵩華峻極杞梓之所□叢疏闡仙宮瓌產於
 焉孕育□□□□□□□□琢□□□□□□□□□□

□媿其□□□□□其該博延□曲臺之□金□玉簡
 之書冊府□□石渠□要莫□□□□探蹟鈎深辯
 漢陵之竹簡識楚江之萍實同陳室之未掃若董園之
 不窺韞廊廟之宏材懷佐□之□略□□而□梁□□
 □□□□□□□□□□□□重之曰斯□隨仁壽之
 末調為□□挽郎□拜朝請郎□班列□□而隨德不
 競政紊朝昏公藏器待時逍遙文史□以偃仰貽誚方
 就末班大業十年拜清河縣長爰屈上才□□下□所
 □□□□□□□□□□□□□□□□□□□□□□
 □□□□宅心拯滄海之橫流撲岷峯之烈火□□□□

□□□□□□□□□□薛舉破劉闥擒□□□拒□
 □賊等勳封黎陽縣開國子邑三百戶并賚□及馬又
 以劉□重擾河北命公為河南道支度軍糧使明年又
 從 太宗討楊幹於涇州拒匈奴於北地奉 教判
 天策府從事中郎尋進爵為伯邑五百戶前後賞物七
 百段及乎□□□□□□□□□□□□□□□□□□
 之□□□衛尉少卿進爵為侯邑七百戶貞觀元年拜
 御史府長史高視首席臣贊□藩無勞露居之請自諧
 臣正之寄三年□中書侍郎密□□□□□□□□□□同范
 寧之宏益□□若孔演之多識□意尋□□部侍郎□

□□□□右庶子加散騎常侍以□□宮多所□益賜
 黃□一斤賜絹百匹 太子□□□侍春坊多□□歲
 既□宏益宜加優賞七年檢校□州刺史尋□調護寄
 □□舉□□□□ 綸□□□□部十年進爵為公邑
 一千戶□□□ 太宗墨勅荅曰忽省來表讜言周
 備若非至誠於國誰能披露□心如斯情常然傳□□
 鈞何以過也卿□□□□□無□□□□□□□□□
 □□□□□□□□□□□□□□□□□□□□□□
 □□□□□□□□□□□□□□□□□□□□□□
 □□未及拜制即詔授本職公□□陳情 勅令中
 書侍郎岑文本就家喻旨云忠孝不並我兒須人輔弼

卿宜抑割豈可徇以私情公固陳哀苦竟被奪情以公

□□□札令□□□公□□□□□□□□奉勅既

而□氏失德昵□姦□□□□□歸竭誠已□□□□

□□□以進□規遂漸相疎斥潛謀毒害厚賂凶人密

相要劫賴公積善卒免路隅及釁各彰聞遂至廢黜春

宮官屬皆羅□譴以公□□□□□□□及□華

□□□求□□□公□在帝心復拜左庶子加銀

青光祿於□□□翼鶴□飛□邁□□之清塵跨應

徐之勝跡十八年拜金紫光祿大夫行衛尉卿判太常

卿事五禮任隆八屯寄重兼而歸我僉論無違又以本

□□□□列□廿一年遷禮部尚書八□清華五曹樞

要官□北斗名重南宮竭訂謀以佐時宏損益□□□

□厲□其明允□□稱其博聞廿三季以本官兼太子

左庶子因謙上謂之曰以卿恭厚長直為朝廷所知

在府曰其令田一種故重□□職尊奉□□遷□侍

□今上□慶憂勞億兆公勵誠□節□往□□庶績

咸□彝倫攸敘永徽元年加授光祿大夫進□燕國公

邑三千戶大開茅社廣列山河榮命既隆朝望斯重

二年八月拜尚書左僕射□本□□端□望重自非□

□□緯□經□安□□□□□□□□□□□□□□

各令京官五品檢校將送并給靈輦車乘言旋京宅追

贈使持節都督幽易媯檀平燕六州諸軍事幽州刺史

□□□□□□□□□□石□□□封元年歲次景寅

十一月癸亥朔□□□□甲申葬於雍州三原縣萬壽鄉

清池里奉常考行謚曰定公禮也惟公局量宏遠識度

淹通空谷無私虛舟不忤雖復孔牆數刃無以測其高

深黃陂萬頃不足方其涯涘□喜愠於□色絕□□於

胷衿□□□□終如始加以□悅墳典崇尙□□備

百行而無擇耻一□□□緣情極綺靡之能體物窮

瀏亮之趣雕龍謝其輝煥吐鳳慙其符彩所著文集勒

成七十卷兼復情敦孝悌愛結州親因心竭□義之□

□□□□□□□□□□亦□依仁既隔宅以恤孤

亦指困以周給及乎殫冠笄仕釋褐登□屬隨鼎之已

□逢區寓之□裂公乃□□不邑屏跡丘園避亂政之

昏凶俟 真人而□用 太宗□居上□□□□□

□□□□□□□□風陪鳳耶 君王分庭待士築館欽

賢邁稷下之清風軼平臺之勝軌鄒枚慕義樂劇來賓

□□□□八□公□□□貞觀之後名位斯隆□□已

來□任尤重丹青帝載粉黛王猷□務□亨□□□允

加以□□□□□□□□□□□□□□不可□□□在

□□□□□□重□居心數服馬而方對既而監修
國史實錄□五代史等才兼□□□□□尋卽□□
□諸祕□□□賜物二百段再加封□□□□□監撰
新禮顏文□定□□□□□五經正義復蒙厚錫 車駕
□有行幸卽令公於宮城居守□留臺事正□朝賀□
羽儀車服焉又於東西二京萬年宮各□田宅其內□
□□寶器服物等前後 □□賜不可勝載委任恩遇莫
之與京及易簣之辰遺令薄葬盟器下帳一□□□□
載以柳車飾之以素其子□奉不敢違越斯實人倫之
師表朝廷之羽儀者歟夫人宏農劉氏曾祖延魏太子

中庶子散騎常侍周□持節左光祿大夫都□驃騎大
將軍□□□□□□□□□□□宮□隨使持節□州
刺史梁靈二州總管洛陽□公偉之孫隨左千牛建節
尉卅武之長女也瑋璋比質蘭菊齊芳嬪則聿修母儀
式序從夫有秩拜宏農夫人燕國夫人積善□徵□□
□夜昔歡□□□之榮今悲□□□之禮□□尙□□部郎
中國子司業太子率更令使持節渠號二州刺史□□
□卿上護軍立政首至性善居喪感風樹而增哀攀橋
枝而殞慟但佳城之下滕公有見日之期萬山之巔元
凱懷沉江之慮敢因斯義敬託雕鐫金紫□祿大夫大

司□□□□□□監修國史護軍彭陽公敦煌□□□

棊藉□楊之舊睦投□□□分爰自青襟便申莫送

契闊談宴逝將六紀分財謀事子實我知諒直多聞余

蒙其益豈謂後事之託竟屬元常先逝之悲遂□公達

絕□之歎已矣如何乃為銘曰

流分若水祚始周原決曹仁恕延尉平反邁種弗已靈

慶斯繁望隆華轂譽重高門金行失御王事靡盬言違

苛政適茲樂土運屬與王位隆台輔□□□□□□

組堂堂□□是□宗臣寄深□□□署經綸剛公體道

都督依仁化□□□名高搢紳英靈允集降生王佐碩

量夙成芳猷遠播言無可擇行無貳過牆刃罕窺唱高

竄和資忠於孝釋褐登朝以茲上德爰膚下寮鶴志斯

遠驥足方超運□舟覆時逢道銷□人鬱□□□□

□從□文房叅陪戎律代藩曳履梁園珥筆雅說解頤

清文□疾下武膺選赫赫明明首席藩邸貳職春卿

鳳沼揮翰龍樓振纓忠勤表節諒直馳名旣莅宮端復

臨政本職惟叅乘寄深補衮德重禮□道光儲□在□

思□□□□損吉凶□域著秦□依□簪朝列□冕王

畿牙施寬猛□舉□□貪殘屏迹惇獨知歸遐壽未窮

逝川遽閱易簣遺試旣明且哲□□□重芻靈靡設善

終令始蹈名全節將歸郭北駟車上東口行口口 詔
口口隆口口口口口口口口高口口口徽烈無窮

右唐于志寧碑以考唐史列傳其微時所歷官吏多
不書今亦不復錄錄其尤著者碑云大業十年為清
河縣長而傳云為冠氏長碑云自中書侍郎遷兵部
授蒲州刺史不赴為後衛尉卿判太常卿事以本官
兼雍州別駕遷禮部尚書而史皆不載中云自侍中
拜尚書左僕射同中書門下三品頃之兼太子少師
遷太傅顯慶四年以老乞骸骨詔解僕射更拜太子
太師仍同三品今以碑考之其初拜僕射也未嘗領

中書門下三品至罷僕射乃為同中書門下參謀朝
政皆史家之誤又案百官志唐初宰相有參議朝政
參預朝政參知政事其後有同中書門下三品同平
章事永淳中遂以平章事入銜而獨無參謀朝政之
名蓋惟見於此耳金石錄

右碑趙氏據志寧自冠氏縣長歷官同中書門下三
品證新舊史之脫漏顛倒詳矣尙有未盡者如碑云
曾祖謹祖義父宣道義仕隋為名臣自有傳史乃遺
之以冠氏為清河者新史也卒於麟德二年舊史與
碑同則劉氏之書未敢盡以為可議已金石錄

碑文剝落未知誰氏撰書亦不知何年所建但薨於麟德二年十月而葬以乾封元年丙寅歲十一月也癸卯夏予既得盡讀三原諸石碑縣志以此碑為于立政碑予竊惑之碑雖剝蝕數語可辨因考之唐書復與友人申崧馳謁墓下搨其碑額曰大唐故柱國燕國公于公之碑了然無疑矣蓋吏部郎中立政為君之子而東海公辨機黃隋刺史大猷又立政之子君墓與碑俱無恙尙有四石獸存若辨機大猷二君碑存而墓為田矣縣志既不載燕公又不知立政墓所在乙巳歲修秦誌董其事者為河濱李楷叔則先生

生余錄燕君墓碑始末乞改訂誌書叔則先生攘袂稱善以為有功古人踰年余抵澶州叔則先生報書珍重云已改正乃今觀秦誌仍踵前訛何也如杜萊公如晦墓在昭陵亦復載於城南司馬村段太尉秀實墓在臨潼縣灞岸斜日鎮而復載于汧陽縣郡邑乘不足信如此類甚多也 又石墨鐫華云趙明誠有定公會孫默成碑默成為沛令早卒以子休烈顯肅代朝亦得立碑默成不知為辨機為大猷之子此碑亦在三原則休烈至定公正為五世又按碑燕公祖謹周太師謚曰綱父宣道周大將軍謚曰獻定公

七世於此可考史既多逸縣誌又已不傳賢人君子

論定公之後猶有升沈顯晦之數寓焉可慨也夫公

高陵人今邑中尚有子姓讀書出仕者來齋金石刻考略

碑下半磨泐存字二千金石文字記云合狐德芬撰

予立政書乾封元年十一月今碑中皆漫漶不可識

雍州金石記

右燕公子志寧碑碑稱所著文集勒成七十卷而舊

唐書本傳云有集二十卷經籍志又云志寧集四十

卷皆誤也新史藝文志與舊志同志寧罷相後嘗為岐州刺史

此新舊書本傳所失載而趙氏金石錄亦未之舉故

為表而出之潛研堂金石文跋尾

按碑文四千餘字存者約二千七百餘字蓋可讀

者尚多也惟首三行漫滅過甚里貫無攷而其敘

先世自祖已前不可知矣碑稱祖義父宣道以隋

書于義傳考之則義之父謹是志寧之曾祖也兩

唐書志寧傳亦云曾祖謹父宣道而不書其祖義

今歷稽諸史詳其官闕考其同異周書于謹傳謹

字思敬河南洛陽人也兩唐書志寧傳俱作高陵

人宰相世系表云于氏出自姬姓邗叔子孫以國

為氏其後去邑為于氏自東海郟縣隨拓跋鄰徙

代改爲萬紐于氏後魏孝文時復爲于氏傳至謹
 從西魏孝武帝入關遂爲京兆長安人不云其居
 河南洛陽也高陵與長安同屬京兆志寧先世徙
 代自當世居京兆而周隋史傳皆以爲洛陽則自
 謹從西魏孝武入關始也及唐書爲志寧作傳仍
 書其舊貫耳周書于謹傳謹仕周閔帝時遷太傅
 封燕國公天和三年薨贈太師雍州刺史謚曰文
 謹子義隋書傳義字慈恭仕周閔帝時安武太守
 封建平郡公明帝武帝時歷西兗瓜郃三州刺史
 隋高祖朝爲潼州總管超拜上柱國卒贈豫州刺

史謚曰剛据碑則云瓜口口口四州刺史與傳不
 同義有二子長宣道字元明周時賜爵成安縣男
 隋高祖踐阼遷內史舍人進爵爲子累遷太子左
 衛副率進位上儀同唐書宰相世系表作威安獻
 公威安或是成安之訛獻公之謚則隋傳所無也
 碑述宣道不詳周爵而稱隨爲車騎將軍下文闕
 泐有云旣揮翰于鳳沼亦拊翼于龍樓則是內史
 舍人之語也義次子宣敏字仲達仕隋高祖朝拜
 奉車都尉卒年二十九無子以宣道子爲後卽志
 寧也碑仍稱宣道爲父而宣道之後似當敘及宣

敏然文已不完此下乃述志寧之事云隨仁壽之
 未調為口口換郎拜朝請郎大業十年拜清河縣
 長下有缺泐兩唐書皆云大業未調冠氏長山東
 盜起棄官歸冠氏縣屬豫州武陽郡清河縣屬充
 州清河郡殆清河調冠氏碑泐不詳而史則但書
 其一耳碑云若公孫之歸漢似文若之違袁賜以
 乘馬即拜銀青光祿大夫太宗文皇莫府初開俊
 賢翹首以公為渭北道口軍敦煌闕此皆高祖起
 義晉陽之事莫府即幕府借用字舊書傳云高祖
 將入關率羣從於長春宮迎接太宗為渭北道行

軍元帥召補記室授銀青光祿大夫碑云義口口
 年代平口師勳加授左光祿太宗進封趙公府寮
 亦並隨改太宗本紀義寧元年薛舉攻扶風太宗
 擊敗之略地至隴右二年為右元帥徙封趙國公
 碑云崇勳行賞授上柱國武德元年九月拜秦王
 府口太宗紀武德元年進封秦王碑云薛舉竊據
 汧隴乃詔太宗為口討行軍元帥闕下大行臺公以
 本任兼度支郎中尋檢校行臺左丞并知膳部郎
 中事後為華州團割使仍授騎官軍副太宗紀薛
 舉寇涇州太宗為西討元帥舉死其子仁杲出降

拜右武侯大將軍太尉使持節陝東道大行臺團
割使唐百官志無此官恐是唐官暫置非定制也
碑云薛舉破劉闡擒封黎陽縣開國子邑三百戶
又以劉口重擾河北命公為河南道支度軍糧使
明年又從太宗討楊幹于涇州拒匈奴于北地判
天策府從事中郎進爵為伯邑五百戶闡衛尉少
卿進爵為侯邑七百戶貞觀元年拜御史府長史
劉闡者即劉黑闥也唐碑書人名或單舉或雙舉
各隨所宜太宗紀武德四年太宗加號天策上將
領司徒陝東道大行臺五年劉黑闥既降已而復

反七年突厥寇邊太宗與遇于幽州與可汗盟而
去舊書傳云太宗為秦王天策上將志寧累授天
策府從事中郎兼文學館學士碑云三年口中書
侍郎尋口中書侍郎闡右庶子加散騎常侍以口
口宮多所口益賜黃口一斤賜絹一百匹太子口
口口侍春坊多口口歲既口宏益宜加優賞七年
檢校口州刺史闡十年進爵為公邑一千戶舊傳
云貞觀三年累遷中書侍郎太宗命貴臣內殿宴
怪不見志寧或奏曰勅召三品已上志寧非三品
所以不來太宗特令預宴即加授散騎常侍行太

子左庶子累封黎陽縣公左庶子據碑作右庶子傳誤也傳又載太宗謂志寧曰皇子幼少卿當輔之以正道志寧以承乾數虧禮度志在匡救撰諫苑二十卷諷之太宗賜黃金十斤絹三百匹此亦與碑異又諫苑二十卷舊書經籍志作三十卷志與傳互異此書碑從略新書傳無卷數藝文志則不載碑云未及拜制即詔授本職公口口陳情勅令中書侍郎岑文本就家喻旨竟被奪情舊傳云十四年兼太子詹事明年以母憂解尋起復本官屢表請終喪禮太宗遣中書侍郎岑文本就宅敦諭之遂起就職碑云既而口口失德昵口口竭誠已口以進口規遂漸相疎斥潛謀毒害厚賂凶人密相要劫賴公積善幸免路隅舊傳云皇太子承乾所為多不法志寧三上書諫承乾大怒陰遣刺客張師政紇平承基就殺之二人潛入其第見志寧寢處苦廬竟不忍而止碑云及覺咎彰聞遂至廢黜春官官屬皆羅口譴公復拜左庶子加銀青光祿太宗紀十七年四月廢皇太子為庶人立晉王治為皇太子舊傳云承乾敗後推鞠具知其事太宗謂志寧曰知公數有規諫事無所隱深加

勉勞右庶子令狐德棻等以無諫書皆從貶責及
高宗爲皇太子復授志寧太子左庶子碑云十八
年拜金紫光祿大夫行衛尉卿判太常卿事廿一
年遷禮部尚書廿三年以本官兼太子左庶子此
所歷官傳俱從略而云未幾遷侍中碑則未見碑
云今上口麤永徽元年加授光祿大夫進口燕國
公邑三千戶二年八月拜尚書左僕射復以本官
兼太子少師尋而肇建中宮以公兼司徒持節口
命副君初臨甲館重道尊賢公參贊百揆陪侍兩
宮俄進位太子太傅舊傳云永徽元年加光祿大
夫進封燕國公二年監修國史拜尚書左僕射同
中書門下三品以本官兼太子少師顯慶元年遷
太子太傅碑云公頻表口奏請收止足皇上弗許
乃令中書令來濟宣旨喻懷及鑾駕東巡留公居
守駕還之後屢更陳聞自此踰年方蒙恩許乃高
謝左執遷太子太師同中書門下舊傳云四年表
請致仕聽解尚書左僕射拜太子太師仍同中書
門下三品按鑾駕東巡指幸洛之事高宗紀顯慶
二年閏正月如洛陽宮三年二月車駕旋京碑詳
記之而傳從略碑云上榮州刺史公待罪鞠躬俄

有恩詔遷岐州刺史考績除華州屢辭老病詔許
 懸車仍降殊恩聽朝朔望將欲參奉華蓋陪侍登
 封行至于洛以麟德二年十月廿日薨于東都安
 衆里之第高宗紀麟德二年十月戊午皇后請封
 禪司禮太常伯劉祥道上疏請封禪十一月庚寅
 華州刺史燕國公于志寧卒請封禪即碑所稱將
 欲陪侍登封也至以志寧卒為十一月庚寅則與
 碑之作十月廿者異也舊傳云高宗將廢王庶人
 長孫無忌楮遂良執正不從而李勣許敬宗密申
 勸請及許敬宗推鞠長孫無忌詔獄因誣志寧黨
 附無忌坐是免職降榮州刺史麟德元年累轉華
 州刺史致仕許之二年卒于家碑有遷岐州刺史
 之語傳從略也碑云皇情口悼喪葬所須合京官
 五品檢校將送給靈輿車乘言旋京宅贈使持節
 都督幽易媯檀平燕六州諸軍事幽州刺史以口
 封元年歲次景寅十一月癸亥朔口二口甲申葬
 于雍州三原縣萬壽鄉清池里謚曰定公傳則但
 云贈幽州刺史謚曰定而日丙寅為乾封元年十
 一月癸亥朔則甲申為廿二日也志寧卒于東都
 傳稱卒于家則洛陽之故居無恙也返葬于三原

則仍歸京兆故籍矣碑云著文集勒成七十卷監
 修國史實錄口五代史等監撰新禮五經正義俱
 蒙厚錫易簣之辰遺令薄葬盟器下帳一口口口
 舊傳云前後預撰格式律令五經義疏及修禮修
 史等有集二十卷新傳云志寧與司空李勣修定
 本草并圖合五十四篇兩傳與碑互有詳略異同
 如此碑所稱五代史是指唐以前之五代但未分
 晰為何代据新書令狐德棻傳析之曰隋梁齊陳
 周五家史當立即此五代也然不見有志寧撰次
 之名稽之新書藝文志亦惟隋書八十五卷志十

三卷有志寧同撰之名餘皆無考也又大唐儀禮
 一百卷又永徽律十二卷式十四卷式本四卷令
 三十卷散頒天下格七卷留本司行格十八卷律
 疏十三卷並有志寧同撰名又志寧集四十卷兩
 唐書同餘俱不著志寧名盟器即明器儀禮既夕
 陳明器子乘車之西注明器藏器也新唐書羅紹
 威傳紹威子全忠堦也會女卒使馬嗣勳來助葬
 選長直千人納盟器實甲以入此為明盟通用之
 證碑云夫人宏農劉氏曾祖延魏太子中庶子云
 云隨使持節口州刺史梁靈二州總管洛陽口公

矣文內安得詳書葬日以此知為立政所增敘而
書之也詳攷諸史與碑參校既可補史所未備亦
可補碑之闕文故不厭瀾縷記之

紀國陸妃碑

碑連額高一丈五寸廣三尺九寸五分三十七行行
七十三字正書額題大唐紀國故先妃陸氏之碑銘
十二字篆書在
醴泉縣昭陵

上關口口口之迴風口口靈泉觀常儀之浴月蓄淳精於

洛口則仙媛呈姿浮淑氣於巫臺則神妃降彩識昭天

祚乘馬闢桑珪下關口口口口中饋靈液手口固韞異於

遐年神道會昌復摘英於 聖代妃諱 字 河

南洛陽人也自大電流樞有下關口口口口口口口命口

中陽國與地分人隨代起晉人失御鍾鼎墜於金陵魏

氏乘期衣冠遷於鼎邑天保未定閔散為疏下關兵口使

持節口州諸軍事洛州刺史上柱國定陵懷公惟岳降

神自天生德受黃書而蒞任披青萍而應務漢開八校

金鉞摠下關口口口口口口口口書社祖立素益

州大都督府長史太子口庶子材膺半古道亞鄰幾口

生口流之藝惠施五車之學絹容下關口口口口口口

口口口賢之寄護駕銅闕深諧正人之舉父爽尙書庫

部兵部二曹郎中渾金在器華璋表質齊臣守境口照

金石錄卷五十一
之口游撫漢口之口耕夫執耜瞻杏路以口口口口
口口口口口口口口口口口口口口口口口口口口口口
風亦乃先妣之口口以口口酒醴供潔口脩怡顏候色
朝夕無怠此妣之孝德一也沃盥饋食備服紘緹代終
無成理內從教口口口口口口口口口口口口口口口口口口
傳口口靡口於言口口不形於色此妣之口口三也閑
邪口偽避嫌遠口口車迎而未從無符召而弗至此妣
之正德四也食無重味衣絕輕鮮襲澣服之口口口口
口之口口此口之儉德五也鳴鳩口養藜莪口口始鞠
之於乳哺終口之於口口此妣之慈德六也持盈守道

蘊智韜光悟託賢之去褐知凌人之及難此妣之明德
七也以斯七德口口口口口口口口口口口口口口口口口口
賢罕能口口名馳楚甸道口梁藩舉族口其徽音口口
口其懿範皇姑降念口愛于而爲一
睿后

流恩口密親而莫二旣而祥通隕鸚慶動口口口口口口
口口口口金口之口室口口口東平郡口續等六男江
陵縣主等八女綿紳口歲咸承教紆之慈口口登辰俱
口斷機之訓是使貞姿夙茂口先日新令德彰於遠邇
休聲顯於家口口口口口口口口口口口口口口口口口口
棠棣之花口口謂口口九口永保口筵之口積粟萬鍾

方慶口堂之壽而福謙愆口口疾彌口口液口痾去口

山而海絕口橫延歲贍五城兩地遠風口口口口口

口口口口口流俄啜仲由之泣口麟德口年口月廿

六日薨於澤州之館舍春秋卅有五其日卽考

之諱辰妃久口沉疾口斯增口情不勝哀口而殞絕

口口口口口口口口口口口口口口口口口口口

衣之念歎結行路哀口措紳紀口口妃時在洛下初聞

凶訃頗極哀痛之情旋遣悼書備竭辛酸之旨自非德

行昭著操履堅貞何以見重口口口口口口口口口

口口口口口性純口口口口口先口口侍口口易簣之

初特口口口慈母送終之禮纔使具於楸衣居喪之制

不許越於苦寢追往慎終咸從遺命有口口口口

口口口口口口口口口口口口口口陪葬于

昭陵喪葬所須隨口官給又令京口五品監護靈輦

還京又遣司衛少卿楊知正監護儀仗送至墓所往還

粵以乾封元年口口口口口口口口口口口口口口

口口陵南二十三里惟妃太陰之靈仙兌

之英乘絳河以秀出體黃坤而挺生履道循規口口口

口口口學口習詩書以立身礪蜃情田樹_{闕下}七篇深窮

於旨趣榮辱一致偏口口口之言得喪兩忘殊好給園

之說由是動無悔矣居靡憂虞嚴以訓家敬以直內至
 於四時享宴三朝起居或稱□□□□□□□□□□
 □□□□□□□□□□山口歌□□□□□□□□□□
 參夏籥韻入虞韶金石由其克諧人祇以之有悅故得
 教孚縣寓德冠前修雲□奮其英蕤河緯騰其茂烈而
 闕□□□□□而奄□□嗚呼哀哉□□□□□□禮備於飾□
 □□戒□榮頌於□□□□□□□□□□□□□□□□
 詔葬川分清渭路轉黃山拒
 畢陌而疏坐控橋陰而列隧峯橫偃蓋爰標錫驪_下之
 關□□□□夫□□□少卿東平郡□續等茹荼嬰慕
 集藜纏哀擗厚地而無追攀穹蒼而罔逮日月造謝愈

傷望祀之懷霜露亟濡尤切循陔之痛以為_下關□□□
 鐫金褐以樹山□□銘曰

□□□□□□□□□□□□□□□□□□□□□□
 □□□□□□□□□□□□□□□□□□□□□□
 □□□□□□□□□□□□□□□□□□□□□□
 庸登鉉□陵傳瑞大父忠良儲端表器顯考英偉郎官
 啓位_二其靈緒克昌賢才挺□□□□□□□□□□
 □□□□□□□□□□□□□□□□□□□□□□
 □□□□□□□□□□□□□□□□□□□□□□
 師氏□□□□□學□□史擁燧貽則佩髀成軌潔盛羞
 蘋陳甘薦祉_四其譽洽彤旻
 恩廼綠綈施□

□□□潢□□□枝分景翦桐開國疏茅樹屏駟馬爰
 駕龍祈載整菜藹□丹功崇鏤鼎其合酌貞吉諧琴作
 配方咸娶女比兌歸妹□□□□□□□□□□□□□
 □□□□□□□□□□□□□□□□□□□□□□□□□
 曹□月明楚觀風清春椒獻頌秋菊裁銘其水言思孝
 因心則友訓子折蓼承姑奉箒匪莪恩洽吹薪德□□
 □□□□□□□□□□□□□□□□□□□□□□□□□
 □□烈謂神祐仁先喪明哲悲逾輟棺悼□捐玦其卜
 遷夏屋 詔葬蛩陰地乳西距天□北臨楚挽宵
 喝哀箝曉吟峯高霧□□□□□□□□□□□□□□□
下歎藏舟之難固庶

貽範於穹□敬刊石於泉路其十

碑已磨滅存六百餘字有云妃河南洛陽人也祖立
 素益州大都督府長史太子□庶子父爽尚書庫部
 兵部二曹郎妃年十有三歸于紀國曰惟大王高祖
 神堯皇帝之孫又云護舉還京遣司衛卿楊知正護
 送至墓所按醴泉志載有紀國太妃韋氏墓乃太宗
 之妃紀王慎之母也此陸氏為紀王慎之妃唐書紀
 王慎傳越王貞初連諸王起兵慎知時未可獨拒不
 與合將就誅而免改氏虺載以檻車謫巴州薨於道
 碑中護送至墓所必中宗復位以後事可以補史之

缺雍州金
石記

右紀國先妃陸氏碑妃河南洛陽人年十有三歸于
紀國貞觀十七年詔冊命爲紀王妃生東平郡王續
等六男江陵縣主等八女麟德二年六月廿六日薨
於澤州之館舍春秋三十有五詔陪葬昭陵以乾封
元年景寅十二月壬辰朔九日庚子葬于陵南二十
二里唐書紀王慎七子續琮叡秀獻欽證宗室表有
續琮慈庄叡秀獻欽曠澄十人傳作證表作澄字形
相涉而訛耳碑惟云六男其餘非妃所生也河南陸
氏本出代北步六孤氏後魏太和中改爲陸氏與望

出吳郡者源流各別妃之父爽官尚書庫部兵部二

部曹郎中隋時有太子洗馬陸爽其子法言撰切韻

爲後世所宗與此非一人也

潛研堂金
石文跋尾

按陸氏以貞觀十七年冊爲紀王妃則附紀王葬也

與陪陵不同故史及會要諸書不著

醴泉
縣志

案妃以乾封元年十二月葬于陵南二十二里紀昭

陵陪葬者及金石文字諸書皆未載

關中金
石記

按碑文二千七百餘字存者一千七百餘字尙得

十之六也妃之大略多可見陸氏出自媯姓子孫

遷居吳郡凡見於史傳者大率吳郡人爲多其河

南陸姓始於北魏魏書官氏志步六孤氏後改爲陸氏通志氏族略代北有步落大人號步陸孤氏後魏孝文遷洛陽改爲陸氏碑故云晉人失御鍾鼎墜於金陵魏氏乘期衣冠遷於鼎邑也北周書陸通傳通字仲明吳郡人西魏文帝大統九年授驃騎大將軍開府儀同三司太僕卿賜姓步六孤氏進爵綏德郡公然則步六孤氏亦源出於吳郡矣步六通志作步陸攷庾子山集載周譙國公夫人步陸孤氏墓誌銘標題亦作陸文云夫人諱某字某本姓陸吳郡人也語與周書陸通傳同錢塘倪璠庾子山集註云周書云本姓陸賜姓步陸孤氏是以陸爲六由來舊矣北周書陸騰傳騰字顯聖代人仕周武帝時爵上庸郡公官終大司空涇州總管薨謚曰定子元字士鑒元弟融字士傾最知名歷顯職大象中位至大將軍定陵縣公碑所稱定陵懷公者似卽其人是爲妃之曾祖矣周書騰傳稱其舊貫則曰代人而騰之六世孫據新唐書附見蕭穎士傳稱據河南人字德鄰年三十到京師公卿愛其文交譽之天寶十三載終司勳員外郎又有陸堅者新書傳稱爲河南洛陽人官給

事中兼學士善書初名友悌元宗嘉其剛正更賜名疑皆其族屬也唐書所見河南陸氏惟此而已祖立素父爽史俱不爲立傳碑稱立素官益州大都督府長史考隋書列傳庶人秀高祖第四子開皇元年立爲越王未幾徙封於蜀拜柱國益州刺史總管二十四州諸軍事歲餘而罷十二年復出鎮于蜀立素之爲長史當在是時其時令狐熙亦爲益州長史見熙碑碑云年十有三出歸紀國貞觀十七年冊爲紀王妃妃以麟德二年薨年卅五推其生在貞觀五年至十七年冊妃年正十三也

舊唐書紀王慎傳貞觀十七年遷襄州刺史以善政聞壘書勞勉百姓爲之立碑永徽元年拜左衛大將軍二年授荊州都督累除邢州刺史文明元年加授太子太師轉貝州刺史越王貞將起事慎不肯同謀貞敗慎亦下獄臨刑放免改姓虺氏流嶺表道至蒲州而卒貞謀起事在武后垂拱三年則慎之流嶺表亦在其時距妃薨後二十二年矣妃以十七年受冊紀王卽以是年出守襄州碑故有隼旟出牧翟羽隨軒之語又云名馳楚甸道口梁蒲是授荊州都督也薨於澤州館舍澤州高平

郡屬河東道臆度其時當是除邢州刺史妃隨行道次澤州而薨也碑云紀口口妃時在洛下泐二字當是紀國太妃慎之母也舊書列傳稱紀王慎太宗第十子新書傳稱太宗有十四子韋妃生慎則慎之母韋太妃也碑云送終之禮纔使具於楸衣楸衣二字無攷韻會云楸與梓本同末異蓋可以爲送終之具者也衣卽厚衣之以薪之義此蓋以文義求之非別有所據也碑云東平郡王續等六男舊傳稱慎長子東平王續早卒次子義陽王琮楚國公獻襄郡王秀廣化郡公獻建平郡公欽等五人垂拱中遇難中興初封慎少子鐵誠爲嗣紀王後改名澄是有七子也新書傳七子同惟澄作證爲異宗室世系表紀王房慎子琮之下有樂安縣公衡州別駕慈丹陽郡公宋州刺史庄欽之下有隴西郡公都官郎中曠是有十人也此三人惟慈無繼嗣庄曠皆傳六世旣非早夭又非遇害不知兩傳何以不書至碑止稱六人者或是妃薨之年祇有六子然不詳其名不知續之外餘五人者爲誰也碑云江陵縣主等八女見於新書傳者惟東光縣主適太子司議郎裴仲翊性儉素姊弟

金石錄卷五十一
謂之則東光縣主有姊有弟姊卽碑稱江陵縣主
者是已弟不知是誰或卽續也妃當薨逝之初卽
已陪葬昭陵先遣官護靈輦還京又遣官護儀仗
至墓所雍州金口記誤以護送紀王墓所爲中宗
以後事可補史之缺蓋偶失檢也慎卒於蒲州道
次當時不知葬于何所及神龍初詔州縣求訪復
官爵諸王皆陪葬昭獻二陵則紀王固在陪葬之
列宋敏求長安志昭陵陪葬諸王七紀王慎在其
數妃嬪八人之中有紀國太妃韋氏無紀國妃陸
氏則似紀王與陸氏合葬長安志載紀王不必復

書陸氏耳醴泉縣志以爲陸氏冊爲紀王妃附紀
王葬者蓋是約略之詞仍未晰也碑云葬于陵南
二十三里今此碑在醴泉縣北二十里西屯村昭
陵南十里其里數今昔不同何也傳稱東平郡王
續早卒然碑已有其名則卒于麟德二年以後五
人遇害之前也碑無書撰人名姓碑書尙多用別
體如从木者皆从手及晏作宴鐫作儻又龍旂作
龍祈借用字悔各作悔从古體後人乃加心作
恠恪又省作各也曹口月明此句對下楚觀風清
當用仄聲疑月明當作月朗楚挽宵碣疑是宵唱

恐筆誤也

敬善寺石像銘

碑高三尺五寸廣一尺八寸三分
十五行行二十八字正書在洛陽

敬善寺石像銘 并序

宣德郎守記室參軍事李孝倫撰

若夫銀枝毓祉締靈影於金園
劍雨銷氛飛惠液於沙界
自鶴林秘彩雞山蘊迹甄
睿像於貞金刊

瑞容於芳琬風猷不墜繫此賴焉
紀國太妃韋氏京兆人也
苞姿含綺霏華椒掖蘭儀湛秀
緝美蘋隈而思惕紅沙浪真輝於
五劍神棲縞霧延妙業於三珠爰
擇勝畿聿脩靈像質融虬彩影籠
鸞騫月逗仙河分紫眉而沃色星
流天苑翊紺瞳而飛照懇誠已罄
茂績其凝化鳥旌越海之功藏龜
彰拔塵之果昭昭峻業難可名言
者哉加口凝石疏基均霜表地川
潔桐園之藜風送杏巖之香雖淨
境開金慮睽口於棄海宏規籀石
諒終期於芥城其銘曰

二靈已散一體未融動植滋夥
物象相蒙情氛委岳識浪隨風
終淪口住孰亮三空大雄降迹
麀津斯演瑞浦澄流祥山闢巘
雪童戰勝檀口翼善了義西宣
妙輪東轉菜潤攸在震區有庇
望影咸圖尋光必萃粵惟德範

夙探微秘詣道雖忘瞻容乃唱珠璣禡玩銀藏傾財林中寫塔雲外崇臺臨豪月滿暎臉蓮開香煙起霧梵響驚埃南控鸞川北馳春路萬室迴曬四依輟步撫因其植披文同悟比日長懸隨山永固

碑無年月述紀國太妃韋氏造像之美其文甚麗字體亦工其寫鶴為鶴祕為秘襲為隴絜為潔翠為翠夙為夙皆別字云南控鸞川按中山經云茲山茲水出焉而北流注于伊水水經注云伊水自熊耳山東北逕鸞川亭北茲水出茲山北流際其城東而北入伊水世人謂伊水為鸞水茲水為交水故名斯川為鸞川也檢今方志無茲水鸞川之目蓋後人俗呼失其音字賴碑碣流傳尋經脈水足証上古禹書非無信耳

中州金石記

右銘無年月紀國藩妃唐書例無傳僅見陪葬昭陵姓氏案紀國除于武后時而諸王妃主自垂拱後被害者皆彙掩之神龍初詔州縣普加求訪陪葬昭獻二陵此必武后以前所刊始附于武后之末

竹嶼盒金石目

按銘無年月竹嶼盒目錄附于武后之末今考紀國太妃韋氏乃太宗之妃紀王之母据紀王妃陸

氏蚤薨乾封元年陪葬昭陵陸妃薨時太妃居洛
陸妃墓碑有云紀國太妃時在洛下初聞凶訃頗
極哀痛之情旋遣悼書備竭辛酸之旨云云此為
太妃居洛之證敬善寺造像今在洛陽則太妃刻
銘當卽在是時因附于陸妃碑後庶為近之

令狐熙碑

碑連額高一丈二尺六寸廣四尺六寸三十五行行
七十八字正書額題隨故桂州摠管武康郡公之碑
十二字
篆書

隨故□□□□□□□□□□桂州摠管武康郡開國公令
狐使君碑銘并序

闕
德棻撰

闕
秀書

□聞濟巨川者□□舟楫之用□□□□□□梁□□
□是以□□□□□□□□□□所以□□□□□□□
□□□百姓叶和萬邦□□□象南□□□東觀勒功
□樹稱□□楹□茂實於當季播□聲□□俗□□□
□之□□□□□□□□□公諱熙字長熙燉煌□□
人也□大夫□□之後□□□□□□食邑□□□□
□□□□□□將遷□□遠祖邁為建威將軍與翟義
連謀為莽所害子孫避□□□□□□□□□□□□

口留守功增邑六百戶加授儀同大將軍宣政元年遷
司勳口大口俄轉吏部公筮仕之始卽在選曹其時吏
部臨淄公唐口雅量高材望口德重口公識度每口與
周席公以長幼口隔辭不敢當口謂公曰吾子口口口
口口口至此坐先後之間何足形迹口此口三口口
踐其位當時談者咸所嘉尙公之弱歲本以鑒悟見稱
及處詮衡大收時譽有口口口柴燎太壇詔公行納言
事開皇元年拜司徒左長史加上儀同大將軍進封河
南郡開國公子時景命惟新教府初立從容處物雅允
具瞻吐谷渾竊據西垂敢窺王略朝廷出車薄伐以公
爲元帥府長史公受命忘身先登斬級所乘之馬口箭
而斃口此力戰遂口破口蜀王以口功之季遠鎮巴蜀
弼諧之寄僉議攸歸乃以公爲益府長史屬口行未反
竟不述職二年敘破渾之功加上開府儀同三司俄授
使持節滄州諸軍事滄州刺史州口口海口口舊稱口
口口口口口口流亡獄以賄成官由貨進公下車之
始詞訟盈庭銳情案察姦無所隱未及暮月化口訟息
口造州門者口口口脫有口口俗以口口公莅口之
初戶惟四萬綏撫口口口口口口口乃口十萬
口口洛陽公朝行所闔州士庶謂公更有升口遠于將

送悲不自勝及公還也老幼相携出境迎□□□□
 □□□□□□□□□□□□□□□□□□□□□□
 臺度支尙書百姓追思立碑頌德改行臺爲并州摠管
 府卽授并府司馬十一季轉雍州別駕尋改爲長史公
 厲精剖斷威惠兼施□□□其□□□□十二□□鴻
 臚卿以本官兼吏部尙書□□□□□□□□□□□□
 □許以□□及車駕□以公□侍從又判禮部度支兵
 部刑部工部尙書及秘書監事 高祖鑒觀四方求
 人之□□□□□□□□□□□□□□□□□□□□□□
 □□□□□□□□□□□□□□□□□□□□□□□□□□

□□□公□□□獄輕重無冤凡在官僚莫不欽仰鑾
 駕旋軫行次汴州郭下有□汴二渠商侶所□游子□
 □□所□□□□□□□□□□□□□□□□存□□
 □以□□□朝賢□公□在乃授使持節汴州諸軍
 事汴州刺史於是下車布□□帷□部括遊惰抑工商
 斷向街門禁巷市者舩客停於郭外行侶□□留孤
 村□□□□居□令歸本令行禁止莫敢有□□□
 □□□□□□□□□□朝宗以□德政爲天下
 之最賜帛三百还仍勅諸州考使咸取則焉十六季除
 使持節摠管桂交尹藤簡□黃□越愛德□利□□象

可知撰者以文字求之則子撰其父之碑也碑敘
公諱熙遠祖邁祖虬而曾祖與父在泐文中不能
辨則是子撰父碑直書名諱不必如後世之假他
人填諱也唐書宰相世系表令狐氏出自姬姓周
文王子畢公高裔孫畢萬爲晉大夫曾孫顛以獲
秦將杜回功別封令狐生文子頡因以爲氏世居
太原秦有太原守五馬亭侯範十四世孫漢建威
將軍邁與翟義起兵討王莽兵敗死之此卽使君
之遠祖也碑所敘與表合邁生三子伯友文公稱
皆奔燉煌伯友入龜茲文公入疏勒稱爲故吏所

匿遂居劾輟稱生六子第三子由由六子長子禹
禹生四子第四子溥溥生三子璜叡瑒傳五世孫
馨馨孫亞亞孫敏敏五世孫虬卽使君之祖也虬
生四子元保整慶保休整卽使君之父也惟曾祖
不列于表中碑云祖虬魏龍驤將軍瓜郢二州刺
史敦煌太守鶻陰縣開闕下北周書令狐整傳云整
曾祖嗣祖詔安並官至郡守咸爲良二千石父虬
北史整傳作蚪
蓋蚪字之譌仕歷瓜州司馬燉煌郡守郢州刺

史封長城縣子大統末卒于家太祖傷悼之贈龍
驤將軍瓜州刺史傳較碑加詳而無鶻陰縣之封

攷鶻陰縣漢置屬安定郡後漢改曰鶻陰屬武威郡晉以後廢省是鶻陰之名亾已久矣其地入於西魏置會州會寧縣後周並廢至隋開皇十六年復置會寧縣屬平涼郡隋書地理志平涼郡又有百泉縣後魏置長城郡又黃石縣西魏改爲長城縣隋時改爲百泉是長城縣與鶻陰同屬平涼郡地而其名皆昔有而今無不能定其孰是也据周書整傳知使君之高祖諱嗣曾祖諱詔安北史整傳作紹安父諱整周傳云字延保燉煌人本名延世爲西土冠冕刺史魏東陽王元榮辟整爲主簿加邊寇

將軍魏孝武西遷河右

祖表爲都督後以定等

赴闕授壽昌郡守封驥武北史襄武

軍將軍通直散騎常侍大都督

軍儀同三司散騎常侍尋除驃騎大將軍開府儀

同三司加侍中賜姓宇文氏賜名整孝閔踐阼拜

司憲中大夫進爵彭陽北史作彭城縣公權鎮豐州除

豐州刺史拜御正中大夫出爲中華郡守轉同州

司會遷始州刺史天和六年進位大將軍建德二

年卒贈鄜宜幽鹽四州諸軍事鄜州刺史謚曰襄

此整歷官之始末也碑文缺泐惟存二州刺史及遺口被於萌黎功烈書於王府二語而已二州刺史者卽始豐二州語見隋書熙傳碑此下述使君之事云公明三禮工騎射解音律周武成之初始入國下上士尋遷夏官府都上士隋書合狐熙傳熙起家以通經爲吏部上士尋授卽都督輔國將軍轉夏官府都上士俱有能名碑云尋以內憂去任哀毀過禮口口口口口口大孝安親義不絕嗣吾今下哀號骨立口口不起周武帝將有河陰之役詔公墨纒從事口還口職方下大夫襲爵彭陽

公邑二千一百戶隋書傳云以母憂去職殆不勝喪其父戒之曰大孝在於安親義不絕嗣吾今見存汝又隻立何得遽爾毀頓貽吾憂也熙自是稍加饘粥服闋除小駕部復丁父憂非杖不起餘與碑同北史傳同惟小駕部作少駕部彭陽作彭城爲異据碑泐文中尙存少字則北史是也爵是彭陽非彭城當以碑爲正周書武帝紀建德四年七月壬午上親率軍直指河陰八月己卯入于齊境攻河陰大城拔之會有疾九月辛酉班師碑所稱河陰之役卽此事也碑云建德五年六月口口留知夏

金石錄卷五十一
官府事口還口留守功增邑六百戶加授儀同大將軍宣政元年遷司勳口大口俄轉吏部隋傳云武帝平齊以留守功增邑六百戶進位儀同歷司勳吏部二曹中大夫周書武帝紀建德五年十一月己酉帝總戎東伐六年正月甲午入鄴城二月乙卯自鄴還京明年三月壬辰改宣政元年碑又云公筮仕之始卽在選曹其時吏部臨淄公唐口雅量高材望口德重口公識度每口與同席云云唐泐其名以周書傳攷之乃唐瑾也瑾傳云瑾年十七周文聞其名召拜尚書員外郎相府記室參

軍事累進驃騎大將軍開府儀同三司爵臨淄縣伯于謹南伐江陵以瑾爲元帥府長史論平江陵功進爵爲公累遷荊州總管府長史入爲吏部中大夫蓋熙以少年與瑾同爲中大夫又同在吏部故碑云然又攷于謹傳謹伐江陵乃梁元帝承聖元年事後三年立蕭詧爲梁主振旅而旋事在西魏恭帝初元而周太祖文皇帝尙居元輔之任也碑云柴燎太壇詔必行納言事開皇元年拜司徒左長史加上儀同大將軍進封河南郡開國公此皆入隋以後事也隋高祖以周靜帝大定元年二

月受禪隋傳云高祖受禪之際熙以本官行納言
 事尋除司徒左長史加上儀同爵與碑同碑云吐谷渾
 竊據西垂敢窺王略朝廷出車薄伐以公為元帥
 府長史蜀王以口幼之年遠鎮巴蜀弼諧之寄僉
 議攸歸乃以公為益府長史二年敘破渾之功加
 上開府儀同三司俄授使持節滄州諸軍事滄州
 刺史隋傳云吐谷渾寇邊以行軍長史從元帥元
 諧討之以功進位上開府會蜀王秀出鎮于蜀以
 熙為益州總管長史未之官拜滄州刺史隋高祖
 紀開皇三年八月甲午遣行軍元帥樂安公元諧

擊吐谷渾于清海破而降之九月辛未以越王秀
 為益州總管改封為蜀王又據隋傳庶人秀高祖
 第四子開皇元年立為越王未幾徙封于蜀拜柱
 國益州刺史秀有膽氣多武藝上每曰秀必以惡
 終碑故云弼諧之寄僉議攸歸也碑云口口洛陽
 公朝行所闔州士庶謂公更有升口遠于將送悲
 不自勝及公還也老幼相攜出境闕下八年口河口
 道行臺度支尚書百姓追思立碑頌德改行臺為
 并州總管府即授并府司馬十一年轉雍州別駕
 尋改為長史證以隋傳語皆合碑于洛陽上有泐

文傳則云開皇四年上幸洛陽也行臺上泐字乃河北道也碑云及車駕口以公口侍從又判禮部度支兵部刑部工部尚書及秘書監事傳但云往判五曹尚書事而已碑有車駕字侍從字隋高祖本紀開皇十二年七月壬戌幸昆明池其日還宮八月乙亥幸龍首池是年遊幸祇此二事不知熙之侍從在何時也碑云鑾駕旋軫行次汴州郭下有口汴二渠商侶所口下乃授使持節汴州諸軍事汴州刺史於是下車括游惰抑工商斷向街門禁巷市者船客停於郭外行侶口口口留孤村口

口口口口居口令歸本令行禁止莫敢有下闕德政

為天下之最賜帛二百疋侶與旅同疋即疋字隋傳云上祠太山還次汴州惡其殷盛多有姦俠於是以前為汴州刺史下車禁遊食抑工商民有向街開門者杜之船客停於郭外星居者勒為聚落僑人逐令歸本考績為天下之最賜帛三百疋傳視碑較詳而帛三百疋與碑之二百疋者異也高祖祠太山是開皇十五年正月事河南通志古蹟門載開封府汴河故道云即浚儀渠河舊出鄭州滎陽縣大同山東經府城內又東合蔡河名菴蕩

渠又名通濟渠東注泗州下入於淮皮日休銘云
隋之疏淇汴鑿太行在隋之民不勝其害也在唐
之民不勝其利也云云据太平寰宇記通濟渠在
開封縣南二里大業元年引汴水入號通濟渠又
琵琶溝在開封縣南十一里西從中牟縣界流入
通濟渠隋煬帝欲幸江都自大梁城西南鑿汴水
入卽菴蕩渠也則通濟與菴蕩是二渠河南通志
謂菴蕩又名通濟者非也然此二渠皆鑿自煬帝
時此開皇十五年未有此二渠名則碑云口汴二
渠不知何渠也碑云十六年除使持節總管桂交

尹藤簡口黃口越愛德口利口口象口口十七州
諸軍事桂州刺史隋傳云上以嶺南夷越數爲反
亂徵拜桂州總管十七州諸軍事累改武康郡公
所謂十七州者碑泐其六以隋書地理志攷之尙
有靜賀東寧安明玉等州名與桂林諸郡相鄰者
然亦不能強合於十七州之數也碑云以疾固辭
口旨不許下二年八月十五日口於位春秋六十
有三卽以其年十二月口於京城之口以大唐
貞觀十一年十一月五日歸葬於口州華原縣之

下隋傳云在職數年上表曰臣忝寄嶺表四載于


茲犬馬之年六十有一年疾俱侵請解所任優詔不許有人詣闕訟熙受交州渠帥李佛子賂既而佛子反上大怒鎖熙詣闕熙行至永州憂憤卒年六十二北史傳與此同周書附整傳但云大象中位至吏部中大夫儀同大將軍蓋入隋以後歷官不入于周也碑不詳熙被逮事子爲父諱也碑於二年上有泐字當是仁壽二年至貞觀十一年歸葬距其卒三十六年而撰文立碑在乾封二年又距三十年合之共踰六十六年矣華原縣屬雍州殆因其子德棻徙居乃遷熙柩歸葬而唐書德棻

傳遂不曰燉煌而曰宣州華原人也然宣州爲唐初所置貞觀中廢天授二年始復置其後改爲耀州是及德棻之身宣州之廢久矣碑又云夫人同郡汜氏周甘州刺史慶之女初拜口原郡君口遷河南口夫人此蓋以合葬而兼敘夫人也廣韻云汜姓出燉煌濟北皇甫謐曰本凡氏遭秦亂避地於汜水因改焉汜氏之先見於晉書者二人一爲汜毓見儒林傳係濟北盧人客居青州與夫人異派一爲汜騰見隱逸傳爲敦煌人當是夫人之先世也碑稱夫人爲同郡蓋與熙同貫敦煌也其父


慶周書北史俱無傳碑云學士監修國史護軍彭陽縣口國公德棻陪侍膝下夙趨教義云云此德棻自敘其官也舊唐書德棻傳貞觀六年累遷禮部侍郎兼修國史賜爵彭城男十一年修新禮成進爵爲子永徽九年累遷太常卿兼宏文館學士四年遷國子祭酒兼授崇賢館學士又撰高宗實錄進爵爲公龍朔二年致仕仍加金紫光祿大夫乾封元年卒於家新書傳稍略然彭陽作彭城則同誤也碑于學士之上有泐文据傳是崇賢館也碑立於乾封二年其時德棻已卒而此行年月之

下其泐四十餘字中間尙存武騎尉三字當是德棻之後人官武騎尉刊其遺文而立於墓上抑或棻是爲德棻附葬因追爲熙立碑也隋傳稱熙有四子少子德棻最知名今見於唐書宰相世系表者只德棻一人其三人但有孫曾列于表內亦無官武騎尉者則武騎尉不知何人也此碑金石家皆未著錄因詳攷之





金石萃編卷五十六終



金石萃編卷五十六

四

